

馮侍郎

遺書

四明張氏約園開雕

序

秦虎狼也申包胥欲復楚往乞師依庭牆而哭日夜不絕秦伯哀之卒出師而楚以復壽鏞曰楚不爲秦滅者倖耳包胥之哭可功可罪者也當明清絕續之交在日本未覆幕以前豈永享國三十餘年母后承之其子復辟改元義明承平日久畏言兵革非有違於中國也馮侍郎京第效申包胥故事往乞師撤斯瑪王聞長崎王之拒也曰中國喪亂我不能援而使其臣哭於吾境不亦恥乎議發各島罪人以應夫各島罪人豈足以救明

馮侍郎遺書序

一

四明叢書

約園刊本

之亡而卒區區者不吾畀其幸我喪亂之心古今一也侯朝宗曰君子當寂寞荒涼之際情不自禁吾知侍郎之所處儼所謂情不自禁者乎雖然侍郎固血性男子也自其曾祖莊軒先生受業王文成之門講學以靜坐養心爲旨諸父都御史元颺兵部尙書元颺世稱大小馮者東林之巨子也侍郎內承諸父之教出則師事蕺山漳浦二先生退與復社諸名士上下其議論節義講於平昔恢復矢諸悃忱中興十二論今雖未見其文而當日慷慨其詞直陳殿陛冰霜凜凜其氣象猶恍惚也

之矣壽鏞曩取檀几叢書中篋溪自課讀書錄二書讀
之已深識其爲人及觀族裔孟顛所編遺書復錄諸家
所作事狀益見其志之大才之奇境之困遇之艱侷僚
仰天拔劍斫案一隅山寨隻手支撐雖冒萬戮而無所
怨者也嗚呼國不自立而乞鄰以拯之固忠臣義士無
可如何之舉而豈其有濟哉民國二十二年九月後學
張壽鏞序

馮侍郎遺書序

明兵部侍郎慈谿馮公輔監國守山砦嘗乞師日本不獲歸而爲建夷所醢其遺文不傳其墓在馬公橋歲久亦漸湮民國興其族孫貞羣以事之墓所得同時舉兵者董給事中墓求導者更蹤迹之而侍郎所葬在焉已又從諸書錄其遺文得蘭易蘭史鞠小正序及雜文三首詩如干首蓋未能幾什一也明之末孝安思文宅東南皆支一歲獨永曆帝保其巖阻延祚至十餘年監國魯王之棲翁洲視南京閩都益傾蕩矣然視前者猶少久則曩有生之心而今期於必死也方侍郎東乞師也固逆計無必成理然明季數當爲是自建夷初叛勢裁如米粒黑子經略熊公已嘗欲結韃靼以掣之及永曆蒙塵於緬晉王又用暹羅之師侍郎所期亦猶是令三者一有就事之成敗未可知也然卒不獲其效以敗身亦與俱死致命遂志侍郎蓋與晉王同視經略之死於吏者爲得所矣國亡百餘年漢人喑噎無敢道其事者獨全紹衣數稱述之及乎諸夏廓清建夷革面距侍郎歿時幾三百載卒能得其筆著與其神之宅斯蓋皇漢

種族之靈所馮非一人之事也貞羣既集其文復錄諸家所作事狀以附於篇亂世之文以誦奇覓志與承平異宜讀其書者不得以義法繩也民國十三年五月章炳麟序

炳麟序

二 泗明叢書
約圖刊本

馮侍郎遺書目次

敘錄

蘭易卷上

蘭易卷下

蘭史

簞溪自課

讀書燈

三山吟

簞溪集卷一

簞溪集卷二

附錄卷一

傳記

遺事

附錄卷二

酬贈詩文

附錄卷三

簞溪府君著作存佚考

馮侍郎遺書目次

四明叢書
錄刊本

馮侍郎遺書敘錄

全祖望馮侍郎遺書序

馮侍郎竄溪集已不傳而其所爲蘭易二卷蘭史一卷
鞠小正一卷自課一卷真至會約一卷先贈公書庫中
有之或曰侍郎中興十二論尙有存者而求之未得乃
鈔得姚江黃氏所作墓志吾鄉董戶部次公所作竄溪
始末皆并入焉蘭易以十二辟卦爲經故附之以十二
月令而又有十二翼爲傳託言受之鹿亭田父其言蘭
草今生大江以南者皆非屈騷所樹所紉然如漢高奮

馮侍郎遺書敘錄

一 四朝叢書
約園刊本

跡徒步系統三代天下所君則卽真矣何僞之有必將
求所謂九畹十畝者而種之皆反古之僂民也其言之
憤而怪如此蘭史先之以九品之表有本紀有世家有
列傳有外紀有外傳以爲使非蘭而擬於蘭者隸於蘭
焉其言又與蘭易相反鞠小正託言陶公所著謂陶公
以秋九月爲正卽不牽宋正之微旨黃者魏統之色也
晉所受代子滅則思母故宋運當用魏德勝之抑鞠之
爲言窮也華事至此而窮則其言更誕而無徵嗚呼屈
宋之悲鬱亦嘗荒唐其詞以自抒寫而侍郎之寄意則

幾入於無何有之鄉而出之亦已過矣自課一卷國難
前所定讀書之程也真至會約一卷則其諸父都御史
所爲而侍郎定其約者也附以上吳尚書箋則己丑所
作也先贈公題其下曰此其晚年手定之稿及覆審別
本果稍異焉侍郎之被戮也黃氏墓志以爲別將王昇
來降請導軍以往侍郎以病不能行在灌頂山中昇竟
得之高氏雪交亭集亦同而云不久王昇亦伏誅獨董
氏所記謂出於麾下陳甲旣降復歸侍郎推心不疑遂
爲內應被執於仗錫之三官寺子參考舊聞則墓志是
可以瞑目矣鄧後學全祖望序

劉城三山吟序

世不乏文人也文人而敦行植節卓然拔萃者十不得
一二爾有行節矣內蘊王霸之略外挺將相之姿真堪
救時濟物出爲世用者百不得一二爾逮吾友馮躋仲
始兼之矣躋仲所著作古文詩詞制舉業無不才奇學
正遙集千代獨步一時陳同甫所云文中龍虎也至其

秉道嫉邪淵渟嶽立蓋與其鄉之司空劉先生家之少
參太僕兩先生同車合軌兢兢乎廉恥禮讓之閑焉客
歲余與躋仲並在北都值胡入犯烽火達甘泉余憂默
無能吐一語躋仲口畫戰守兵食機宜指示勝敗得失
情形一如百戰宿將老謀祕算使用其言便可請纓磨
盾痛飲黃龍焉者惜當路莫能知也躋仲亦遂閉門不
通貴客謂余曰咄嗟此非布衣說劍時耳已遂與余後
先出都逐隊諸生試復淪落此爲躋仲命不蚤遇邪抑
斯人斯世未得遽平治也昔人有自擬管樂者有秀才

馮侍郎遺書

敘錄

三四

明叢書

鈔圖刊本

時身任天下者今以視躋仲定復何如此寧獨一文人
與一節行之士而已哉三山吟爲秋試被放徜徉京口
時作躋仲笥珍輒矜慎不肯示人臘盡余遇之南都探
囊見詩音節氣體開元大曆而下無所受之以此稱文
人不遂當第一邪然其中欣慨交心古今紛會有歌有
泣可觀可興皆見之乎詩鐵甕城如斗大三山片石爾
經其歎詠卽似乍得一古人擁膝高嘯其間山川與爲
不朽者矣因強其付梓以便徧授躋仲有同里執友陸
文虎萬履安董天鑑劉瑞當黃太冲昆季皆躋仲所許

一輩人知予有言不爲阿好者也池陽社盟弟劉城伯
宗拜題於南都靈谷寺齋

柴夢楫三山吟後序

嗚呼此我邑馮忠隱公之詩也公生有異才於書無不
讀特慕古奇士非常之行年十三補邑博士弟子員試
輒高等二十五從其從父留仙先生備兵南都都人士
請爲選函雅兵餘二房墨家絃誦也又刻其所評隲史
漢二書嗣乃從撫軍天津值邊警公爲授略行間而兵
大捷者再從父爲疏其功賜之進士以臺省用公勿受

馮侍郎遺書

敘錄

四四明叢書

約園刊本

也面陳容臣就科甲試至再乃允其心豈榮一第而蔑
視臺省耶蓋其生平自負爾爾建歸而玉步改矣遂南
走三山間歷十餘載終齋志以慘死悲夫此三山吟者
夫乃公流離道左跋涉山川說惶恐歎零丁爲血染楓
爲淚枯草之句乎使當時不允所請得假之兵事正未
可量豈僅以詩見哉今公亡而詩不亡讀其悲憤激烈
之詞則見若踏足長鯨沖碧海而飛舉天半也讀其軒
昂俊爽之詞則更若攜手玉簫躡危峰而吹徹月下也
至其憂思感慨愁怨徘徊則又如隴頭水之嗚咽秋夜

雨之淒其使人魂銷腸斷不忍竟讀不勝涕淚之浪浪
矣雖然不見公辭陛之後乎彼衣緋而佩魚者比比如
故卽擐甲而韃囊者亦比比如故公顧甘心斷乃頭而
不屈乃膝何耶夫少陵輞川特以從蜀之餘流連慷慨
情見乎詞人謂其忠不忘君若公固未邀拾遺右丞之
半級也其忠不更出王杜上哉楫之居遠公四十里年
後於公二十載不能親見公而幸讀公之詩壯公之志
惜公之才悲公之遇感公之忠而因以序公之詩嗚呼
詩不亡而公亦不亡彼星日之昭風雷之激金石之凝

馮侍郎遺書

敘錄

五

四明叢書
約圖刊本

者伊誰爲之耶我邑不乏忠義士如劉公而強城陷自
劉沈公其旋具衣冠請死卽布衣葉茂卿亦自沈於河
今日而有謝皋羽其人乎挾是詩登釣臺之畔折竹枝
擊巖石而一一歌之我知公必按長劍掀髯而來之三
尺頭上矣同邑後學柴夢楫謹題

王家振題三山吟

士挾其持危濟變之才不幸而不爲世用其光氣終不
可埋沒卒之斷脰剖心以馬革裹尸爲究竟此非天之
厄之乃所以成就之也予讀簞溪馮先生三山吟忠憤

之氣流溢行墨雖寥寥數十章生平志事略見於此使
得早假尺寸柄天下事未可量也而乃徒手空拳流離
山陬海澨間思挽崦嵫之景買太傅之流涕申包胥之
痛哭一腔熱血不灑之白草黃沙不止論成敗抑末矣
其詩有池陽劉城伯宗同邑柴夢楫岸公先後二序述
其行誼頗悉迄今二百餘年騷人墨客憑弔今古未嘗
不以殺身成仁許之非天之成就而何谿上詩輯採詩
十二首末一首爲是編所無知簞溪詩固不盡於此劉
伯宗云三山吟乃秋試被放徜徉京口時作今他作不
得見讀是編者宜其以璵璠珍之光緒二十年甲午縣
後學王家振題

續甬上耆舊詩

全祖望曰馮公少遊學於鄞董陸萬諸先生之襟襟也
及國難而後軍府亦在鄞之西山故列之寓公子嘗爲
公墓碑卽錄之不別立傳

谿上詩輯

尹元煒曰簞溪詩豪情壯志感慨激昂怪偉絕特奇變
迭出近體雄渾頓挫直摩浣花之壘爲吾邑詩人獨闕

門戶前此未之有也亦由其遭際時難矢志不回故感憤之懷見於詩者如此

馮本懷曰簞溪奇特白衣雄放二公詩要爲吾邑有明一代詩人冠冕非止爲一時後勁也簞谿間有流於僻澀處而白衣悲壯淋漓之中時不免羸厲猛起之氣亦由其時勢使然

蘭易目錄

卷上

天根易

卷下

十二翼

易目錄

四明叢書
約畧刊本

蘭易卷上

海寧蔣氏別下齋鈔校本

馮守郎遺書一上

宋鹿亭翁著

明篔溪子較

天柱易

夏易連山始於艮也殷易歸藏始於坤也周易太極始於乾坤也蘭易始於復故曰天根萬物本於根根本於天天根本於復天且有根而況於萬物乎況於蘭乎

三三復蘭十一月卦也天根大始蘭退藏於室元亨

蘭易卷上

一

四庫全書
欽定四庫全書
納園刊本

繫曰知用知藏易之道也藏蘭勿用又何咎也蘭然後可大可久也復者易之終始君子藝蘭以自考也

三三臨蘭十二月卦也納日自牖吉

繫曰日至自南向之有喜也自冬至於孟春澆可已也天煦土乾澆有之矣旬以爲期微潤勿止也

三三泰蘭正月卦也陽道將長與蘭俱開

繫曰春日向陽乘時也時有餘寒復閉置也莫不仁於春雪葉之災也厥性好風宜高臺也臺高不過五

尺亢陽方來也向南倚北左林右野居之宜也

三三大壯蘭二月卦也見風霖凶

繫曰霜雪既消出於中庭也庭廣多陽庭狹多陰必有方也蟲嚙其葉不亦傷乎削竹爲箴除去殃也油帛以拭之法之良也灑用鱗羽之瀋亦可以滅形也束之從橫風之防也蛛網必除蜂埃必除除穢之象也

三三夬蘭三月卦也有風自西來吝

繫曰去寒就燠必位乎其所也灌水汲於河且貯雨

蘭易卷上

一四期歲書

物園刊本

也豆麻皮鱗及毛羽也漬之爲肥三春之所用也灌則四注勿灑乎上也上灑之致葉黃也茗汁以滌之黃去而復常也

三三乾蘭四月卦也香升於天利見大人

繫曰水清濁有宜慎勿用井也三日爲期夏之正也灌必未明或日未升也再灌以曠黃是爲經程也

三三姤蘭五月卦也辟暑雨小有悔無咎

繫曰自夏徂秋恆避日也雨三日以往宜入室也雨往日來驟致下熱也傷根及葉乃大有害也肥以救

溼亟不敗也敗葉必翦自治也

三三遯蘭六月卦也陰伏於下不爲水困

繫曰六月維暑何可當也水亭涼架各於其方也華大盛則衰來茲窮也長兄去弟大有功也

三三否蘭七月卦也蠹去溼出利貞

繫曰秋陽維烈蔭之爲貴也馭蚓有術溺中甚快也其後用水未悖也

三三觀蘭八月卦也壅灌以時華落氣滋

繫曰熱則用水涼則用肥至於八月有事也花退澆

蘭易卷上

三四明叢書

約園刊本

培自此始也焚牛之骨用其灰肥之尤也

三三剝蘭九月卦也分羣類族元吉

繫曰上畏隕霜下蟻食也投骨餌之類慕意也是月何晦分種亟也三歲之叢根可折也根老者芟少足惜也其種篋如以三爲節也宿中新外根各有合而相得也拚土欲浮不欲實也盆底竅之風氣不相塞也革履芒屨敝勿棄也燒土種之以爲鋪屑也

三三坤蘭十月卦也萬物終始藏於天根

繫曰陽月華胎灌宜肥也戒之爲分種後時也陰往

陽來氣含滋也藏于月窟復於天根是爲陰陽之樞
機也

簞溪子曰蘭易一卷受之四明山中田父書端稱宋鹿
亭翁著按郡縣志山有鹿亭今迷不知處無問作者姓
氏矣要是宋代隱士易道盛於宋授受明而家學眾不
意更有蘭易如此蘭於萬物一草也而書可謂易豈卽
萬物各一太極之旨邪但其書都不言象數直說事理
此固宋人之爲易也與其文擬易辭似善易者用韻亦
然俗學鮮能通之所論種漑之法簡而盡近而不穢他

蘭易

卷上

四四明叢書

約園刊本

曰入四明爲鹿亭接山林將絕之統稱異代弟子此書
其顯門之業也抑今蘭草生江南楚越閩中者皆非屈
騷之所樹所紉然天地開闢幾萬千年真蘭旣微而此
蘭晚生幽谷乘時爲帝氣味卓越始知世間有王者香
正如漢高奮跡徒步系統三代腐儒嗷嗷猶爲蘭著真
偽之辨天下所君則卽真矣何偽之有如人言甘者名
菊苦者名蕙今菊爲時所尊貴者皆不必味甘有黃華
也他若布有綿花可代裘紵器有倚卓可代几席茶可
爲飲棗可蒸酒毫爲筆煙爲墨魚網藤竹爲紙可代簡

漆書可代版鏤之類周孔以前豈曾知此耶凡後今之制勝於前者多矣必將求所謂九畹十畷而後種之皆反古之僂民耳夫屈公嘗不解有梅不聞梅以見遺騷經爲嫌也君子隨時育物愛養之道於蘭必盡心焉故有取乎此書

古易氏贊曰躋仲著論極言英雄與盜賊不同蓋方正統未定真人未出時此自有王有霸不可與僭竊篡逆同條而論如遷史列項世家陳志鼎分三國魏文貞請爲李密立碑是也今人於此一切追書黜之爲僞朝不使英雄裂眼地下邪其論議動賊流俗如此然此正其是非不詭聖人處今復爲蘭草辨去一僞字略同此意抑蘭自此坐得正統矣

貞羣案清四庫存目云蘭易上卷附口訣二條蘭月令十二章不知誰作今觀其文淺薄不倫恐係他作屨入因佚之

蘭易 卷上

五四明叢書
物類刊本

蘭易卷下

海寧蔣氏別下齋鈔校本

馮侍郎遺書一下

明譚溪子輯

十二翼

養蘭之道備於天根易明者述之以時措之宜也然
蘭之性情德業有書言所不盡者竊嘗折衷百家之
說以衍其義凡爲傳十有二章是爲易翼

喜日而畏暑

蘭以冬春之日爲慈父母以夏秋之日爲暴王苛政故
冬月只宜置小室南窗下無風則開窗納日而盆宜標
記四向輪轉曬之來年花始四發蘭出庭中宜架木棚
上縹葦箔卷舒常使陰多於日夏秋炎陽宜謹覆蔭

喜風而畏寒

風有陰陽故有溫寒之異蘭常欲通氣以宣鬱除溼然
而冬春之風皆其所畏諺云藏遲出蚤枝葉不保藏蚤
出遲冬春有時十月盡收二月盡出雖避氣寒亦避風
寒也然南北當視地氣及節候爲之消息不可一例風
雪人知隄防而不知春風之害凍於冬風春雪之災酷
於冬雪每見嶺南諸花來中土常以蚤出受春風而萎

蘭易卷下

一四明叢書
約園刊本

春雪一點著葉卽枯故斷自清明始可出也至辟寒之
方向日爲上策一法用蠟渣糝根旁不止祛寒且大補
益一法用鹿糞壅之取其最煖二法宜擇一用之闕以
草園覆以糠麩此下策矣夏秋受風畏搖折此須插竹
架束可焉

喜雨而畏潦

雨爲百花酒少則病渴過則病醒春月多雨蘭斯困矣
時方吐芽傷溼卽有不秀之憂宜以人溺和水解之補
瀉兼用蘭之良藥也凡四時雨多卽宜用溺解溼蓋溺
性燥能去根下積水耳雨三日以往爲霖驟則加苦澱
久則移入室中避之

喜潤而畏溼

養兒寧飢毋飽養蘭寧乾毋溼俗云若要小兒平安常
帶三分飢寒悟此可以養生可以格物保蘭經云蘭根
中多水可經半月立春後每十日以肥水一灑土上以
春宜壅也四五月間雨潤卽不可復灌盛夏新秋雖天
時酷熱土內未燥不可傷於澆灌故夏月無雨亦以三
日爲節七月卽視土燥而後澆不定限三日九月後旬

尤當慎灌恐一夜冰凍不可救也冬月驗視土潤卽
須水若燥則待天氣和暖晝日南窗以冷茶或洗面水
雨水微灑之蘭以每夜受天露爲上澆水次之花時入
室尤忌澆水惟不可久隔雨露五六月後卽宜移出澆
肥水時盆底洩出落水匱中則汙濁宜於架上通作水
路歸輪於一缸則又爲惜水法耳若砌臺安盆尤宜此
法

喜乾而畏燥

灌法春月肥水十日一次夏月清水五日一次盛夏三
日一次但覺筍葉枯瘠卽以肥水助長麻膚水爲佳秋
八月時根葉失水漸見枯黃卽宜用大肥水

喜土而畏厚

閩人口訣云種蘭宜淺土深難展瓦礫墊半枝枝蕃衍
蓋盆中半截實以碎瓦則土少下虛雨過卽乾不致傷
溼根不下行花葉自茂一法用蝸螺淨殼一法用水浮
炭此較瓦礫皆更玲瓏也又當置一竹籤時時插入疏
根使土常鬆適宜

喜肥而畏濁

養蘭之法全在鍊土土經煉過則助其肥煖空地濃糞澆其上仍以鬆土之□□一法梅糞又澆翻轉又曬待其乾極乾篩過調水作雨處俟冬至後隨盆大小酌尿淬之乃打碎破草糞放廁中浸月許日所熱氣每種以十刀細剉碎鋪蘭根下以土□三分和勻藏於碎更覆土面防雨濺渣滓□取山上蕨根連市火燒屋土篩過極細用之乾草約三四層過於燥一取山上黃土煨過火氣易透煨後模槌碎篩過各一半和勻種糞澆入如此凡曰煨過之土宜和以溺用糞有火燒處水衝若人

蘭易

卷下

四四明叢書

約園刊本

糞爲過熱總宜露中散泥煉如土法一可用也下雨則覆以草薦恐取出拌黃泥曬皆愈久愈佳隔年預製更妙之聽其日暴雨黑土最佳蘭驟移失性此土用園土七分打以陰氣助之則滋潤易長然其三分和用若不發至衰弱者有之大抵沙伏中用鬆土撒去其濁燥而亦可免於蟻蚓蓋之曬數日加雨後取城市溝壑中爛泥曬□碎爲灰置無餅再暴乾燒火煨紅取出以□加之一法用更用豬牛骨燒灰冷水淋□□水中汰淨以分之鍊土四分沙三分骨灰□用瓦甌打極陰室三月

後方可栽植一法口新筍或取城土取之曬乾打碎每層鋪以然屋有石灰恐發火煨之或以籬糠藉土使篩細及鑄鍋土鋤細用清糞和入曬乾再以之最易發生或數番乾收藏用一法取山上太肥糞宜用羊浮泥再尋蕨苗暴乾復以前共火氣穢氣方法收舊草鞣浸尿桶中日久肥煖盡散耳此乾煨過擊碎鋪地用濃糞蓋一說山巖縫中淋雨三月後收起聽用一法積年流聚陰溼碎收乾羊糞或鵝糞加以沙失於收曬氣寒土堅硬再加沙入一法六月土之劑肥煖鬆細四義盡之離

土入盆非肥無以補天氣離南來北非煖無以輔地氣鬆則通氣而利水使苗易以發細則疏溼而去寒使根得以培灌溉用諸肥水無純用肥理清水以雨水第一貯久綠色更佳池水河水次之不可用井水以性寒也惟冬月可用以此時井水煖耳然不必用之肥水只用人溺若人糞以水和之二分糞一分水宿則更佳或用罇雞治魚屠宰諸湯或以雞鵝等毛浸之或用皮屑浸水和以人溺半月後用之或麻膚或豆餅或生豆皆以浸水俟臭過用之或用豆末泡熱入罇亦俟臭過可用

此皆肥水可代糞者也。鹽浴等湯亦佳。用肥節候十月一次。十一月一次。芽生五寸亦一次。花開後一次。初種時一次。初發芽時慎不可用。總之每月須肥。視其根葉消息多者約二三次。立夏後即止。至秋冬復可用。八九月花退泥薄宜加壅。灌壅宜肥沙。及用牛骨灰鋪壅一層。最肥。併絕蟻蚓之入。或用麻屑拌肥土薄鋪一層亦最滋茂。且除生蟲之患。牛骨灰說見前。喜肥論中要將水乘熱淋去火氣。研細始用。閩蘭宜牛骨灰。其糞稻穀亦專用之。此殆土性然也。灌用前浸毛羽諸水。或半

蘭

卷下

六

四明叢書
納園刊本

喜樹蔭而畏塵

此蘭本名幽蘭。故雖喜日煖。亦喜樹蔭。酷日暴雨狂風。樹皆能為蘭禦之。耳惟最畏塵埃。及糠芒諸屑。尋常淨掃地。勿使近。碾磨若見飛塵。當洗刷去之。卽水匱中水面亦不可積塵。恐蟻偷渡也。有蛛網亦須除去。

喜煖氣而畏煙

冬月嚴寒室中不嫌有火氣。但不可逼火。及入地炕之。

室耳性最畏煙溼炭且惡之亡論竈突野燒矣

喜人而畏蟲

傳曰男子種蘭美而不芳夫婦女猶能以自然之性合蘭之天而況於君子體風騷之遺得哀樂之中者乎故蘭雖生於幽谷然喜得人護喜受人賞喜附人煖氣凡南方畏寒諸花雖窖藏或不活惟著人臥榻後者無恙此以知人氣之煖能禦天氣之寒也且人所居兼有火氣耳若蟲有六爲蟻爲鼠爲蚓爲蜘蛛爲蝨爲小蝨諸蟲蘭根最甘鼠喜食之故冬不可暗藏土窖蟻不爲大

蘭易

卷下

七西明叢書

約園刊本

害而花蕊一點甘露珠名爲蘭膏人所不可多取每爲蟻啖滅去精英故必水匱高架以絕其渡有蟻則以羶骨貯蛋殼中引去之有蚓則以人溺淋去而後用水解之或云十月始可淋溺他時爲之傷蘭蜘蛛喜結網葉間當去蝨點生葉上是蟲之窠蝨形至微目不可見能食蘭精氣致焦枯二月時陰晴不定雨後日出急宜遮蓋若溼葉見日卽生白點如瑁玳所云鷓鴣斑也用竹鍼輕剔去不盡宜用麻油和黛或研蒜和水皆用新筆蘸洗之或魚腥水及淪蚌蜆湯頻灑之或取菜麻油調

溫湯候冷以青絹布蘸洗之或舍絹布用髮或舍油用冷茶或以水一碗入油一盞煎過冷一宿待天將雨遍灑葉上雨下則油注及根蟲乃盡落或夏用阜角秋用爐灰浸水既爲灌肥亦專殺蟲遇一盆生蟲卽移他盆遠處此蟲能度好葉上防之如防癆蟲也凡風氣不通則氣鬱而生蟲故宜時用竹籤疏之如洗竹法又若花葉萌芽時有小蚴蟲及小蟲食之須察視驅除

喜聚族而畏離母

凡蘭之分不得已也極盛則分極衰則分皆不得已而

蘭易

卷下

八

四明叢書

約園刊本

分也盛者根滿小盆淺土急宜易也衰者根爛溼沙蟲穴急宜除也人言蘭比朋友以交結蟠密爲樂然極嫩脆稍損折則腐必用鐵椎向外輕擊盆裂用雙手捧出撥去溼土爛根須輕便詳慎漸漸疏析性躁手重者不可任此事或將盆入水俟土化根出或出盆後用水浸根藻去猶土此二法皆散氣洩精拙法也又有以刀切作幾塚聽其斷者自腐土中此法益爲癡猛矣分法或以三行爲一盆或以蘆頭五新五舊爲一盆盆底用碗碟一隻覆眼後用頭髮或石灰鋪碗四圍或用木板炭

遮眼網以頭髮總以通風洩水土不內出蟲不外入爲度鋪訖用蠶沙填平卽以爛草簾一隻置沙上方以三篋聚之須蟠插安妥互相枕藉使舊篋在內新篋在外作三方向卻隨其勢四面圍繞虛其中外爲灌溉發生之地然後糝極細肥土以實之土齊盆口高一分許中央漸高如覆盂狀又有深種淺栽之說初下根貴深壅土後漸提起搖實則土入根中而無空虛積水之憂矣提葉欲總搖盆欲緩不可太高使根盡出不可太低使根不舒不可旁高中陷使根積水腐萎蘭名露根草性不喜深根齊盆口則瀉水面易發也盆面以瘦沙少許覆之種畢以新汲塘水雨水灌之以定其根分後不可驟曬宜置樹陰或西檐下夜間受露日以水點灑之止可一次半月後方灌肥水始可向陽舊說春秋二分後皆可分今定以秋盡冬初爲候或云寒地宜於春分後分之似通用盆不欲貴重根滿難分付諸一擊也不欲大以便於移賞遷藏也不欲深以蘭不宜土厚也

喜培植而畏驕縱

培植既多法矣然不可太惜枯葉急宜剪腐根急宜斷

二月花太蚤十月蕊太過五月萼太多皆急宜摘除凡此所以善養蘭也葉盡黃則於臘盡正初用茅火焚之留下體寸許至三四月盛發如初種蘭之道三日不彈琴則手生荆棘三日不視蘭則盆受霜雪矣正與郭橐駝種樹異法彼乃治大國若烹小鮮此乃敦學如術蛾子君師之義有不同也

蘭史目錄

蘭九品

蘭本紀

蘭世家

蘭列傳

蘭外紀

蘭外傳

蘭史
目錄

四明叢書
約編刊本

蘭史

海寧蔣氏別下齋鈔校本

馮侍郎遺書二

明篋溪子輯

野史氏曰蘭生幽谷聚族而居在處成都邑故國之
 國則有史矣作九品蘭為王者香雖然一國不兩王
 故定一尊而奉之作本紀次於王者內則后妃外則
 公侯作世家其他則諸大夫士之屬有德有功可紀
 者也作列傳非蘭而擬於蘭者蘭外國也使之隸服
 於蘭作外紀國必有君有臣外國之君亦有外臣焉
 作外傳

蘭史

一四明叢書
約園刊本

蘭九品

上上上中上下中上中中中下下上
 下中下
 下二品
 不列

品
品
品
品
品
品
品
品

陳夢吳紫潘紫趙師何紫
 大張小張
 清青
 蒲統許景
 領初
 陳八石門
 斜紅
 淳監蕭仲
 和首
 何首
 座
 林仲
 孔

長
 金稜
 邊

右紫品一十七種

汪觀成

濟老窺山李通黃殿鄭少黃八夕

判講舉兄紅

魚航葉大馬大周染雲曙

施同朱觀堂

惠知王莖名弟

茗玉小

弱脚

青蒲

玉小

蘭史

二四明叢書
約園刊本

右白品一十九種

樹蘭真珠伊蘭蘭草蕙草含笑風蘭山蘭

蘭花

玉蘭木蘭朱蘭澤蘭簕蘭馬蘭

右外品一十四種

贊曰九品無下下者苟為蘭則皆王者香也不然則猶為王者之香之類也下品已過抑之故闕之以處夫同乎猶臭者焉

蘭本紀

建蘭 建蘭以福建得名而楚粵山谷皆生之莖葉皆

肥大蒼翠然種類甚多開時亦異故有春蘭秋蘭夏
蘭冬蘭四季蘭之稱江南蘭止春芳楚閩皆春秋再
芳春芳者爲春蘭色深秋芳者爲秋蘭色淡但壅培
得法花常不絕又有素蘭石蘭竹蘭鳳尾蘭玉梗蘭
諸名春蘭花生葉下素蘭花生葉上秋蘭一莖四五
花葉同春蘭開於秋月取根煎湯服爲催生勝藥吉
州人用之又有獻歲蘭元旦開花報春蘭先立春三
日開花皆奇品也紫莖青花爲上青莖青花次之紫
莖紫花又次之餘不入格然細分花色有深紫淺紫

蘭史

三四明叢書

約園刊本

深紅淺紅黃白綠碧金稜諸種今內品止分紫白二
種而紫嘗爲先又不可以前說定也沅澧所產花在
春則黃在秋則紫而秋芳勝於春總以葉短莖長花
挺出者爲佳其產逾幽深則莖逾紫惟玉梗莖白如
玉耳花可點湯以鹽梅乾醉取汁名曰梅油用浸鮮
花臨點湯時先以熱水淪過乃投茶盃花色如新

山蘭 江南諸春蘭皆名山蘭寇宗奭所謂葉如麥門
冬而潤且韌莖長一二尺四時常青花黃綠色中間
瓣上有細紫點一莖一花花比常建蘭稍大香最芳

烈又建蘭一種名山蘭者一莖七花綠色瓣尖薄而狹莖紫色葉細短而潤惟冬月開之建蘭有名冬蘭者卽四季蘭何以名冬若冬蘭當以名此種耳又有九節蘭山蘭之別種也浙粵山谷多有之一莖八九花葉細長蒼色不甚綠黃山谷誤以爲蕙者故一名蕙蘭種法悉芟去浮根用便溺瓦器打碎漂淨鋪盆底用山土沙土一層鋪雜矢其上又加沙土一層鋪頭髮其上乃將煉土與沙土各半拌勻種之勿以手築實置盆大樹下通風無日處平時只澆清水惟梅

蘭史

四四明叢書

約園刊本

雨天一澆糞歷年彌盛可勝建蘭

杭蘭 惟杭州有之花如建蘭一幹一花葉比建蘭差大有紫白二種皆黃蕊最香艷性宜見天不見日種用黃沙土或以水浮炭實盆之半種之上覆青苔則花盆茂澆用羊鹿矢水或燂雞鵝諸水頻灑水花盆香

蘭世家

陳夢良紫一莖十二華紫色花朵最大三瓣尖竊碧葉長三尺許深綠色葉梗微柔背作劍脊至尾梢處滅

漸斜分變細色芳豔婉媚爲眾花冠希得其真種種
宜黃沙細潔無泥者此種最難養忌用肥稍肥卽腐
爛灌宜清水

吳花

紫

一莖十五華盛者歧生至二十華色深紫莖紫

苞紅花朵差大葉最長勁而綠種宜赤沙泥頗好肥
宜一月溉一次

金陵邊

紫

花色如吳紫瓣差小幹葉並如之葉尖兩金

線綠邊半葉之長爲紫花奇品種出長泰陳家未廣
也

蘭史

五
四明叢書
約園刊本

潘花一名仙霞

紫

一莖十五華紫色近蕊處深紫同

於吳花莖亦紫色葉如吳花但差小潘氏於西山仙
霞嶺得之故一名仙霞種亦宜赤沙泥不喜肥宜時
灌以清茶

濟老一名一線紅俗名了蘭

白

一莖十二華葉似施蘭

差長得氣則生歧故名了蘭潔豔爲白色冠種宜溝
渠黑沙泥和以糞壤或用糞鍊土種之盆內草屨屑
四圍鋪種性愛肥隨所灌溉

龍山俗名綠衣郎 一莖十五華碧色莖尤深碧花常

並蒂葉緣而瘦薄種宜河沙糞壤或山澗下流聚沙泥盆內用草鞵屑同濟老漑宜半肥

魚魴一名趙花白花最瑩徹一如魚魴沈之水中不復可見葉亦勁綠種宜山下流聚沙泥性最潔不可漑諸肥水

玉莖一名雪蘭亦名玉瓣玉梗白花白如雪故得雪蘭

之名其莖如玉又名玉莖蘭此種至貴不可易得爲白蘭奇品

李通判白一莖十五華白色雅淡爲最種宜山下流聚

蘭史

六十四明叢書

約隨刊本

沙同魚魴漑宜半肥

葉大施白華白色葉作劍脊甚長而不甚勁直種漑同

濟老

惠知客白一莖十五華色白竊紫瓣尖帶黃花體清瘦

而簇簇圓整葉肥綠頗弱種漑同濟老或用河沙淘去垢塵下用麤沙並和以糞種之

蘭列傳

趙師博本名趙十四紫一莖十五華蓓蕾甚紅開時變

紫特豔葉亦勁綠種漑同金陵邊每半月一用肥

何花紫 一莖十四華紫色苞紅花朵倒垂葉蒼色種概

同金稜邊每半月一用肥

大張青紫 蒲統領紫 種概半月一用肥同趙何

淳監糧紫 蕭仲和紫 許景初紫 何首座紫 林仲孔紫 莊

觀成紫 皆下品種概隨意

黃殿講一名碧玉幹西施白 一莖十五華歧生或二十

餘華亦有二莖連理生者莖瘦而長花白色竊黃萼

半開合葉綠色柔細而勁厚每葉下有一菱者

馬大同一名五暈絲白 一莖十二華碧色中多紅暈花

蘭史

七四明錄書

約園刊本

差大間有昂首者莖勁直半葉之長葉高聳肥厚種

同惠知客概同濟老

鄭少舉白 一莖十四華白色最瑩潔葉瘦長而疏散謂

之蓬頭少舉其種不一以花葉多少柔勁別之白花

易生者惟蓬頭一種種概同濟老或用糞鍊土上覆

赤壤

黃八兄白 一莖十二華白色莖甚長然最弱葉綠而直

略似鄭花種概同濟老

周染白 一莖十二華白色與鄭花相似莖則短弱種概

同濟老

夕陽紅白一莖八華白色瓣上凝紅故有夕陽之號種

慨隨意肥潔

觀堂主白一莖七華花白色聚如簇葉不甚高種慨同

夕陽紅

名弟白一莖五六華白色似鄭花葉最柔長然新葉長

卽舊葉枯種慨同上

弱腳白一莖一華綠色瓣上如鷹爪長二三寸葉瘦長

二三尺冬深始華香甚清遠莖短葉細種慨同上

蘭史

八四明叢書

約園刊本

蘭外紀

樹蘭 色紫花萼蕾纍纍如細珠攢簇其瓣最微與真

珠蘭全同但有草木之異每歲夏秋交始華萌蕊甚

久而開止五六日輒謝然異香可愛置衣笥中歷歲

如新芬芳不歇亦可合諸香製服葉色綠沈似桂橘

性畏煙與霜喜煖分栽於有枝處截一節去皮以鐵

刀斜剝開使得生根置竹筒埋乾土中日濯以水生

根卽去筒入盆

玉蘭 九瓣色白竊碧叢生一幹一花皆著木末並無

柔條香味似蘭故名冬結蕾莫春開花澆以糞水則
花大而香花落從蒂中抽葉特異他草木亦有黃花
者最忌水浸寄枝用木筆秋後接之花瓣揀淨拖麩
麻油煎食味美

眞珠蘭一名賽蘭俗名魚子蘭今或稱金粟蘭 花紫
色蓓蕾如粟瓣作桃形嫩莖叢生如珊瑚枝花著枝
間纍纍如穗折之簪佩香氣甚烈北場中牙香捧香
名蘭香者皆此花蒸爲之也葉能斷人腸葉似茉莉
蔓生喜煖畏寒與樹蘭形性皆同但有草木之異四
月內節邊斷二寸種之卽活喜肥忌糞澆以魚腥水
十月中收無風處以盆覆土封之木澆勿令乾

蘭史

九四明叢書

約園刊本

木蘭一名木蓮一名虞心一名黃心一名林蘭一名杜
蘭 樹似楠高五六丈枝葉扶疏葉似菌桂厚大無
脊有三道縱紋皮似板桂有縱橫紋花似辛夷內白
外紫四月初開二十日卽謝不結實亦有四季開者
又有紅黃白數色其木肌理細膩梓人所重十一二
月採皮陰乾出蜀韶春州者各異木蘭洲在潯陽江
其中多此木

伊蘭一名賽蘭 蔓生如茉莉花小如金粟香特馥烈
生蜀中

朱蘭 形似蘭色深赤瓣亦大每瓣有二三黝斑五月
中開色豔而淡葉闊而柔

蘭草本名蘭詩云秉蘭是也此與澤蘭正楚辭所云蘭
也葉似馬蘭故名蘭草生下溼地故名水香大澤蘭
蘭澤草煎澤草煮水浴風故名香水蘭其葉有歧俗
呼燕尾香婦人和油澤頭或夏月采置髮中令髮不
墮故名省頭草又名女蘭生都梁山又名都梁香又

蘭

十四明藏書
詩風刊本

俗因其花形名孩兒菊入藥名千金草 生水旁下
溼處二月宿根生苗成叢紫莖素枝赤節綠葉葉對
節生有細齒與澤蘭一類二種嫩時並可採而佩之
八九月後漸老高者三四尺開花成穗如雞蘇花紅
白色中有細子但蘭草莖圓節長而葉光潤有歧根
小紫五六月盛以此別異也

澤蘭又名虎蘭虎蒲龍棗根名地笋與蘭草同名水香
都梁香孩兒菊俗名風藥今人稱大澤蘭即蘭草小
澤蘭即澤蘭也或云家詩者為蘭草野生者為澤蘭

亦通然二種自是不同入藥氣味並異 根紫黑色
如粟根二月生苗高二三尺莖幹青紫色作四稜葉
生相對如薄荷微香七月開花帶紫白色萼通紫色
亦似薄荷花三月采苗陰乾與蘭草異者生水澤中
及下溼地葉尖微有毛不光潤方莖紫節七月八月
初采微辛乾之亦辛禮佩蘭菝楚辭紉秋蘭以爲
佩雜粉藏衣書中辟蠹此與蘭草皆古所謂真蘭也
可佩可藏可浴可食功用甚多而弗在中上者其性
姿族類只是人臣之極貴者耳以擬至尊便覺有田

蘭史

十一四明叢書
約圖刊本

舍翁故態

蕙草楚辭所云蕙也一名薰草一名黃零草又名零陵
香古以生零陵者佳一名燕草亦通稱香草 生下
溼地葉如麻兩兩相對莖方常以七月中旬開花至
香三月采苗陰乾脫節者入藥最良山海經云浮山
有草麻葉而方莖赤華而黑實氣如靡蕪名曰薰草
可以已厲是也陳藏器云薰乃蕙草根今人呼爲廣
零陵香者乃真薰草出廣融宣等州至多吳人亦盛
蒔之以酒灑製芳香益烈

蕙外傳

含笑花 花如蘭形色俱似開不瀉若含笑隨卽凋落

生廣東

風蘭一名桂蘭又名髮蘭亦名弔蘭 生浙溫台山中

花白色竊黃似蘭瓣小分許莖長三寸一種花紅色黃邊紫粉心者最佳出閩粵不土而生懸挂簷前無日照處性喜風故名風蘭塗之以髮故名髮蘭挂在水上卽得水氣升蒸亦時取下水中浸潤之

蕙蘭 葉似簕花紫形似蘭而無香四月開與石榴紅

藍史

十三四明叢書

物園刊本

同時生海島陰谷中羊山馬跡山諸處有之性喜陰
春雨時種

山蘭 生山側似劉寄奴葉無極不對生花心微黃赤亦入藥用此與前閩越所稱山蘭絕異以名同得附
品末

馬蘭一名紫菊 葉似蘭而大花似菊而紫故得此名俗稱物之大者爲馬也生湖澤卑溼處二月生苗赤莖白根長葉有刻齒狀似澤蘭但不香爾南人多采灼曬乾爲蔬及饅頭餡又莖高二三尺開紫花花麗

自口細子此草亦絕非香種以蘭之命名取似所出
故附之

蘭

十三 四明叢書
物園刊本

蘭史

馮侍郎遺書二

尊溪自課目錄

日課第一

旬計第二

月要第三

時會第四

歲成第五

課法四則

讀書三要

讀書作文六字訣

尊溪自課目錄

作文一字訣

附自課庵銘

簞溪自課

王暉檀几叢書本

馮侍郎遺書三

明慈谿馮京第躋仲撰

日課第一

一日十二時晝夜平分之以卯正四刻合酉正初刻爲一時故率計六時而立課或以八時爲斷聞之人生於寅恆言一日之計在寅是時至寅卽當作矣亥迺人定而爲定昏是戌未盡猶未宜定也一日之功必始於寅終於戌詩云夙興夜寐其在是乎合計一日得九時七十二刻寸陰苟無虛度卽性鈍齒長皆不足致恨

簞溪自課

一四明叢書

約園刊本

也漢食貨志所云一月得四十五日服虔注以爲每日半夜爲一月增十五日則是一歲得四百四十日假使寧越十五歲卽二十二年有半功矣凡課以至簡爲主常以其功什之三爲課使有餘力如資性可萬言者只以三千言爲率然課必滿程始止誓心師友鬼神日不足以夜繼之夜不足以申旦繼之非疾勿休非君父之命勿奪所課旣足輒益其功以多爲貴不復程限旦明寅 溫已讀書課誦以篇計每背誦如千遍朝明卯 念未讀書課誦以行計每授如千遍

蚤食辰

課同卯時

或須酬應人事對賓朋卽撤此時爲之過此
下簾謝絕若入山閉廬禮俗之事一切都廢

禺中巳

鈔書以字計 每行幾字鈔凡幾行

正中午

飯罷臨法帖以字計 眞篆百字行草倍之

日昃未

學射發五乘 於野則射於室則學張弓

日旰申

作詩一篇 日課一詩此陸放翁法

日暮酉

著文一篇 大篇以戌繼之

黃昏戌

任意觀諸部書定課如千葉增課無限

盧溪自課

二四明叢書

約園校本

或佐以飲酒如蘇子美法晝勿飲酒妨功有
賢人至則以講論代讀誦遇燕席先畢課乃
赴不則夜歸補之邱仲宗以中宵鐘鳴爲限
蘇子瞻雖醉歸必觀書至三更以亥子丑三
時偃息比之古人終夜不寐者已爲惰矣

旬計第二

旬計以浹旬課十日也

誦過某書如干

作過某詩文如干

不及輒補其數毋俾過旬

月要第三

月要以彌月課三句也

壹如旬計

時會第四

時會以一時課三月也

誦過某書如千成誦者如千篇

歲成第五

歲成以一歲課四時也

鹽溪自課

三四明藏書
約園刊本

大計其功諸書脫忘詩文章抹棄者不入計帳
各得共如千篇簿錄置案上除夕以牲體果餌
勞書籍研筆之神訖卽自臨饗之爲五臟神作
供焉此賈島法也

一分歲法

歲朝治經史

自正月至四
月爲歲朝

歲中治詩賦

自五月至八
月爲歲中

歲夕治舉業

自九月至十
二月爲歲夕

二分時法

孟月治經

仲月治史

季月治詩賦

三時爲
三番

三冬

治制舉業

三分月法

奇月治古文詩 偶月治制舉業

四分旬法

上旬治經史 中旬治詩賦 下旬治制舉業

課法四則予皆嘗試行之有效蓋功必分治者貴精專也大氏遠科場用分時分歲法近科場用分旬分月法學者惟所取擇其在仕學去舉業別治他功或專通今事可焉若專門治舉業者非課所問

續溪自錄

四四明叢書
續園刊本

讀書三要

讀書有三要一曰日有成課朱子讀書法云寬著期限緊記課程夫今日作明日輟雖一覽萬字一目十行終何益成課有功所謂日計不足歲計有餘木雖穿石鐵杵作鍼不爭寡博遲速但觀克成若何耳一曰讀書不須如鈔書古人讀書皆經手鈔蓋有三益一加簡練一備遺忘一兼學書法不爲家不蓄書也凡讀經史其義欲全部貫通其文欲逐字採掇有全鈔有摘鈔此卽稍自備本也一日通一書畢始治一書讀書之患只是愛博

不精欲速不詳蘇子瞻教人看漢書作數次讀各以其類求之學成八面應敵是也朱子云讀書之法須從頭至尾看上字時如不知有下字看前句時如不知有後句此言極爲簡要

讀書作文六字訣

子幼聞師訓六字曰熟讀書多作文蓋書熟讀則自明文多作則自工此雖不資師友可也古人讀書每授數百遍句句分明朱子家訓論此最詳所云讀書眼到口到心到是也

東溪自課

五 西明齋書

約園刊本

作文一字訣

嘗論作文有一字訣曰改草本旣成宜粘著牆壁時時就觀改之旬日後詳定始脫草此歐陽文忠公法也

附自課庵銘

銘曰吾以黃卷爲師輔以筆研爲朋友以丹青爲講論以謨書難字滯義爲榷楚以四庫爲畋漁資櫛以環堵爲天地六字古人與語古人與處蓋此庵更始於秦火之餘代有主者至于而又一易主於是安居而自課焉吾又何恨乎寡儔而跽侶邪

箴溪自課

馮侍郎遺書三

重校自課

六刊明藏書
新園刊本

讀書燈目錄

宋宋昂桐油子

齊顧歡宋延之松明

晉葛洪薪

梁劉峻麻炬

漢任末蒿

梁劉綺隋沈恆荻

齊顧歡糠

宋康節邵子花豬油膏

續書目錄

四明叢書
鈞園刊本

晉車胤螢

漢任末月齊江泌星

齊孫康梁范雲雪

漢匡衡鄰壁

漢劉向太乙藜杖

讀書燈

全祖望續甬上耆舊詩本

馮侍郎遺書四

明慈谿馮京第躋仲撰

讀書至無燈可謂窮矣晉沙門釋慧遠遊學出家釋曇翼每資以膏火之費其故事乎空門人有此好事其亦賢哉因思古來代燭之物夥矣擬其事圖於燈幕上而以韻語記之

宋朱昂桐油子

侍郎住衡山三年拾桐子不用阿爺千文錢買斷九經
十七史

讀書

一四明叢書
約園刊本

齊顧歡宋延之松明

五粒松脂明晝耕夜自讀與公接燭夜無眠吞取燈煤
寫妙墨

晉葛洪薪

上山苦薪艱入市苦紙貴書中自有九還丹莫患仙人
不識字

梁劉峻麻炬

邱中舊有麻縛結以爲炬火燒鬚髮知不知何不燔掌
困如許

漢任末蒿

任公隱蒿中夜以之自照茅庵荆筆俱有餘掉頭不應
天子詔

梁劉綺隋沈恆荻

惜荻如惜陰珍重寸寸燒不見吳兒載滿船沈塘南畔
飯鐺焦

齊顧歡糠

食糠不解肥燃糠那有輝男兒努力癡點牛田中黃雀
食稻飛

南唐書

二四明叢書
約園刊本

宋康節邵子花豬油膏

先生夜讀易煎和尖稀脂此法須知加一倍記取聲希
味淡時

晉車胤螢

挽戈日有窮練囊螢無恙案頭乾死車公憂何不食字
爲盼望

漢任末月齊江泌星

皓月暨明星在天得氣清蕭然無復煙火氣中夜相看
眼其明

齊孫康梁范雲雪

對雪持酒杯何如手方冊行當負笈峨嶺六月不消
干巖白

漢匡衡鄰壁

東鄰東壁餘貧女夜見逐匡生善偷鄰不妒殿上說詩
然官燭

漢劉向太乙藜杖

天公甚愛書吹火驚天祿安得青藜化燭龍徧照寒士
暗中屋

讀書

三
惠明
讀書
約圖刊本

讀書燈

馮侍郎遺書四

三山吟目錄

北固山

金山

焦山

京口送別瑞當正則二子兼懷自昭

小雪日集微詠樓

邸報見除書家太常少卿叟叔轉南太僕卿

贈丹徒君鄭于耕二首

夢溪

三山吟目錄

一四明叢書

約園刊本

峴山

黃山

臨食四贊

有序

劫尊歌

有序

破車歌贈錢開少次朱雲子韻

有引

贈程穆倩

飲微詠樓懷潘無隱

周仲馭儀部致其賢祖贈公祀鄉賢錄輒爲誦述

遲見袁臨侯少參不得

黃鶴山

蓮池

杜鵑臺遺址

米南宮墓

蓮華洞

招隱山

唐顏山望月

贈周伯高

伯高索題壽張媪畫

三山吟 目錄

楊文襄故宅

王在明自楚避地喜過其家

喜杜退思比部至

蒜山

揚子渡口感懷

北固山後觀石壁同沈茂叔家正則沛祖兩叔

北固石飄峰上僧舍同周松如民部王在明共話

晚坐甘露寺禪房同無聞上人

李卓吾酒杯

宗忠簡公墓

徐信之招集

贈紀介公

重贈紀介公題卷軸

赴劉子約飲正逢其太夫人初度

夜招劉長公談易

京口別諸子

漫歌留題崇福觀

同程穆倩發京口至南都道中戲柬卻寄潤州詩酒

三山吟 目錄

三四明叢書

約園刊本

諸友

三山吟

慈谿師竹居林氏寫本校映
紅樓王氏藏斷齋吟屋鈔本

馮侍郎遺書五

明慈谿馮京第躋仲撰

北固山

蜿蜒峴首到孤涯地脈橫分出一枝萬里江流歸壑處
五州煙火暮鐘時米顛禪寂臨池絕謝邊功成釣碣移
莫問蕭梁離合事古來北顧攬人思

梁武登山改
北顧爲北固

金山

登山無奈愴人何望望煙波況最多戰壘繇來防鐵甃
仙槎從此到天河有僧莫遣遊城市無事相招共柁歌

三山吟

一四明叢書

約園刊本

試問江心石上月幾能載酒醉藤蘿

焦山

焦金兩山一江裏喧寂仙塵跡迥然秦帝東遊空萬里
漢京西建幾多年真人無待蓬邱去大隱偏留芝蘭傳
家有孤峰未割據不向蝸廬眠處眠

久欲住四明山中
柿嶺故志不忘

京口送別瑞當正則二子兼懷自昭

時劉瑞當赴淮家正則赴南都自昭在里

數子同心異軀骸一出入俱無不偕今年槐黃並黜落
誰肯先舉負陳雷其舟連枕到京口遠遊如此良亦佳

忽然臨歧意色惡西趨白下北汎淮我望大江不成渡
執手彌月於斯乖同爲別離我送子何況家山回首哀
平生蚤結入山願幾兩布襪青芒屨那知途窮向車哭
閉戶不可迷天涯駿馬飢憊蹶道路飽驥萬里多駑材
可憐吾家真驥子至今毛骨風塵埋遊能傷人白頭蚤
孤棹相將歸去來飄蓬湖海何足恨無奈關情一酒杯

小雪日集微詠樓

錢開少馭少伯仲招集潘江如微詠樓時楚黃

陳交甫在席患賊在楚久正閩楊相國率禁旅

三山吟

二四明叢書

約園刊本

南征

大風木落空林蚤小雪杯寒溫酒頻把蓋偷閒今日事
枕戈戮力異時身西來江水猶流血北去風塵漫汙人
樓上不堪同極目短歌長嘯各沾巾

邸報見除書家太常少卿張叔轉南太僕卿

太翁昔作南太僕年過半百又七歲叔今兩爲南北卿
年未四十方鼎貴貴非所羨年力強立功立事足神智
南曹半閒馬更閒出爲清卿許靜便此來拄笏看牽馬
好在環滁山水間醉翁去後誰人至子父接踵登清班

嗟我無才困貧病一畝園燕憂國政比者著論曾過宋
歎恨調停兼邪正臣轍有言高后兪一時國是稍稍定
元符大誤別一番建中靖國國愈喧繇來一網空人國
鳳麟易逝豺虎繁苦畏飛章爭水火豈知捲舌趨一門
寒心孤立方自此只此興亡難具論書生泥古轉迂繩
讀史至斯輒感咽今時明盛時異宜將順不違何論列
歷載簸揚天路淨羣議方和官府悅八年侍從多匡繩
幾月太常愧素竊知叔局影無徒久乞外自安潘生拙
但聞回首戀聖主流涕銜恩辭北闕田野未得中朝詳

三山吟

三四明叢書

約園刊本

太平何象新施設於古治亂當何代帝驥王馳孰同轍
待叔來南咨所疑更注歐陽朋黨說

贈丹徒君鄭子耕二首

赤鳳青雲萬里孤借棲雄緊試丹徒勳名尙說桓元子

元子任丹徒
刺史有政績

禮樂須觀漢大儒京口酒佳只飲水石頭

城近每飛鳧敢誇門戶稱衣鉢或許應劭北面趨

子耕
鄉舉

出家改
叔門

挾書初謁鄭康成窗外青青書帶生仙吏乘風來嶺嶠
齋梅待雪臥江城虛堂靜遠階前鶴永夜分明樓上更

他日司徒謝德里東山仍問子真耕

于耕別號東巖

夢溪 沈在中隱居

何處佳溪夢裏尋黃蒿滿地碧蘿深著書歲月猶全宋
奉使山川未代金一壑一邱尙繫命官遷官謫肯關心
須知魂魄應留此咳笑時聞出遠林

峴山 近名九華

出郊度陌去追攀放眼開眉只此山北眺蕪城淮月渺
東觀滄海島雲閒樵歌白苧行松杪波湧青蓮上岸間
臨江石 爲問祖師誰卓錫苔龜搨得好碑還

寺有潘無隱新立齊

三山吟

四明叢書
約園刊本

川禪
師碑

黃山

在峴山右志云下有高安寺今廢爲茶庵

不怕石頭路來登山上石他山患石少此患多如磧遠
觀殊磔硤近狀頗突兀瘦醜無此姿堅頑有許骨焦父
莫通徑隱居鮮買宅鳥雀嗔下行猿鼯怯飛擲我遊探
奇勝伐山學謝客棘刺縈巾袂汗流交杖舄雲深競叫
呼草短失攀掖跼足疲一筇嚙齒墮兩屐架巖得虛危
碎礫見碑碣撒星拾夜隕伏虎摩箭沒斷鼇猶帶距蟄

燕未生翮參差敷華蕊圓缺應月魄色先春苔青斑亂
秋葉赤每疑江波湧去作魚龍射或者巨靈過留此掌
若蹠歷歷多怪松困輪不盈尺老以千春秋少者殆數
百俄然得重臺當是神仙窟其險高絕塵其廣容數席
解衣谷坐臥對爽羅酒炙江山至斯聚天地從此割長
嶺方一聲晴空聞霹靂萬樹忽生籟鳥驚墜磔磔煙波
夕陽西萬里流不歇呼鷹來雄風回雁落大澤拱揖五
州山峰腰抹雲白回首峴山寺畫圖燦丹碧登眺何豁
然盤桓亦奇適快哉十日遊無如此地劇三山虛盜名

三山吟

五四明叢書

約園刊本

見此氣都索古來爲名誤遊覽類倉卒輸余性癖久山
荒始開闢

臨食四贊

有序

在禮當食不歎四食有樂不樂皆不敢爲歎而
曰贊者禮也京口米美菜佳肉賤可粥可齋可
散然千里思親不免遊子之感故通食淡作四

贊

人日食大率北土日再南土日三而南喜食粥
蚤莫用之考飯乾饗水飧厚饌薄粥卽北人所

用皆飧與餽爾非粥也夫寬中以養胃養食者
不肥饜食者亦不肥故補胃之藥粥有其名不
聞飯也古人隱退輒驕語躬耕此以躬耕爲貧
賤之極致正如王介甫言世間何處無魚羹飯
也生大江以東窮者至無卓錫地於何覓一腔
半梭而耕之耶故得坐而食粥並爲布衣享用
矣吾郡土俗特異日三飯乾中人之家始暮一
粥約救家人改從通例旣足省費亦以是養氣
之輔先焉作粥贊

三山吟

六一四明叢書

約園刊本

稽古燧皇鑽火初因石生釜又生甑當時豈便解蒸餹
但糜自可食之正吾生有腹今負之龠米升湯寄此命
茅屋寒風欺儒褐唇龜齒戰舌縮硬此時一甌煖玉酥
醉鄉日出丹爐進炎窗吟苦茶煙絕口乾呀呷倦眼暝
此時一甌屑玉漿冰雪瑩入心脾竟土如黃金米如珠
私耕無田官稅橫舉家食粥肯嫌貧顏公猶帶干祿性
一生抱書飽粥眠太平無事身無病

平旦清明之氣雖腸腑亦潔除焉輒進葷臊極
爲滓穢清虛故蚤膳止宜蔬豆之屬事佛者饒

不能斷肉惟蚤膳暫撤號爲蚤齋儒者吉禮致齋方事鼎俎以養氣體近世齋之爲素食者皆悖也此特居凶變之禮然耳故今之蚤素不名蚤齋凡素食以菜爲母菜以齋爲君宋人咬得菜根百事可做遂爲佳話范文正畫粥斷齋遂爲佳事所謂士大夫不可不知此味也齋字俗作齏作菜齋贊

貴公齒白細編貝我少鬮然半黃缺攬鏡此豈食肉相盤腩只合菜根齧林鴉喚起宿夜飢龜腸怕見臊臄泥

三山吟

七四明叢書
約園刊本

江南千晦比封君我比附庸割數堊青釀作茺黃作齋生計年年菜吐葉持杯咀咽帶露莖放筋狼籍南山蕨嫁娶未了田宅空累纏正坐頭上髮莫遣羊來踏菜園有妻無肉累少歇更無俗客來攢管鼻嗅手鋤口咄咄先生此樂誰見之清風披帷月窺闥

食物今古異宜者多若古人祭享日用必有牛犬今因道家所厭恆戒食之六畜毛五羽一而豕爲毛最下周禮春宜羔豚四穀惟稷宜豕月令孟夏以彘嘗麥八珍止有魚豚古人之用豚

亦罕矣今天下牢膳豚輒儼然上品不知自何時始諸禽獸肉各有補益惟豚大爲本草藥食所輕有肉無筋多食輒發風動氣昏人神智而肉故絕寡風味然俗皆好食之者非以其易豢多愁耶寒士不辦得他肉而無處不逢豬肉旣與人同食不得不與人同味作豬肉贊

古來嗜好癖更佳惟有肉食傳最罕東坡居士愛燒豬英雄欺人飽莫管未曾作計身後名何如卽時肉兩盃世無不瘦復不俗梅鹽只可糝玉版東鄰竹院西鄰庖

三山吟

八四明叢書

約園刊本

迎我作賓肯兩袒口厭藜藿嘗侃彊忽佞蘇公頗類誕風瓢吹耳急洗煩日買豬肝事不簡昨朝大嚼今朝無依舊青山落酒瓊生當鼎食死鼎烹鼯鼠笑人腹難滿全身須就蟻蝨謀莫待肥尻加雕篆

漢書呂后與高祖攻苦食啖如淳注食無菜茹爲啖師古注啖作淡淡謂無味之食也此蓋謂徒有一盃飯喫都無鹽豉耳帝王起布衣貧可至此予士庶也生長貧賤與老母嬰孺相守荒餒困頓之日久矣進未能致鼎鍾以祿養退不

能營力如茅容郭巨日致甘臚之奉身嘗辭膝
下則獨使食貧婦以并日事姑而已夫漢祖夫
婦貴爲帝后不忘貧賤時母子至親方其苦淡
念相憐當何如也行遊所至一味之甘心感萬
里作食淡贊

慈烏母慈雛更孝三年飛啄背秃尖使烏爲子定何似
生人愧此城上黔臣母闕哀臣無食飢烏畢通啄雪檐
辛苦一飯千珠粒水晶難致盤中鹽園菜價高野菜惡
藻根澀硬芋苗蔽老人努力不成咽投杖恆持剔齒籤

三山吟

九四明叢書

約園刊本

高門野雀巢畫戟有肉如陵竈下饜孟嘗已去馮煖劇
抱劍未往各生嫌以茲旅食嘗嚙指孤駒惡秣安須箝
何時詔出大官饌御匱珍果手自拈

勛尊歌

有序

暨陽周伯高得紫石一拳於綺里子山中腹背
凹凸試以注酒妙香大發酷類犀觥大氏石之
奇在形與色不聞以氣味其有氣者亡過能口
水而已蓋自有宇宙香石故事自茲始己卯冬
至京口借觀留飲嗅弄數宵賦以贈別不足爲

伯高和庶石能言其答我哉

商山何在摩赤霄紫氣蒸爲芝草苗羽人手掇付仙庖
糝麟臙鳳肉不臊四老食之一老饕攫取正得凝露苞
裹以荷裳先遯逃歸臥綺里頗幽寥與芝獨結歲寒交
一日辭芝踏雲躡弟子何人抱芝號芝歛墮地解天澆
化爲一石形礲礲筮以藏之數在爻千九百年契合要
欲出不出逢伯高風雨夜至萬靈邀果然山破胎坼腰
石得之春雨後一朵紫豔猶春翹依舊花香嗅不銷辨銜鶴啄
頗小凋蕊遭蟾蝕劇爬搔足知神物非怪妖天工變化

三山吟

十四明發書

約園刊本

毋已勞卻疑綺老蛻骨毛摩拏誰敢馬箠敲生前百好
都煙飄終留魄礪後人澆實獲我心作酒槽絳腸蒼腎
皆堅牢氣味猶帶漢宮醪肯使化土沒塵蒿我住黃公
故邑郊黃公墓在子邑南四明山麓黃綺通家事未遑見之驚拜喜
更跳魑顏汗面竦背尻無復衣冠覩漢朝東流況復卯
金刀君且痛飲注逍遙芥舟萬里汎堂坳

破車歌贈錢開少次朱雲子韻

有引

開少輯同人見贈之作爲友聲集雪子爲唱後
皆依韻時開少方以尙義蒙難避迹初還作破

車歌助爲悲歎

十二時中車轉軸踏地人間太行曲破車莫待補桑榆
多買稀脂恣所如三山突兀峙吾子浩若中冷味風旨
波上出煙岫出雲長噓清淑寫斯文意氣如山指江水
此身生爲君父死只今猶作菽蘆棲飢能驅人走東西
潤州太守褫金紫一郡上書市無紙大呼奮袖唱義聲
欲叫閻闔天王明丈夫忠孝性自足喔咿事婦羞粉綠
推車不轉寧焚輪斷頭何知有舌存崎嶇世路今猶古
方穿那作文衡舞寒江迫夜濤怒揚拔劍斫地歌悲涼

三山吟

十一四明叢書

約園刊本

與子吟詩醕子酒霜風落盡郵亭柳

贈程穆倩次開少韻

程詩畫並入妙品

霜岸孤舟泊雲房賦客來江風因雁急尊酒爲詩開坐
煖屏圍菊茶香蜜口梅愧君影亦好畫我貌難裁

飲微詠樓懷愔無隱

謝樓雲臥俯山城踰腳三山牀下橫高枕當年千賦草
深杯今日一經程琴亡風入哀絃泣竹在月來孤屐聲
衛玠無年沈約病著書如許竟留名

周仲馭儀部致其賢祖贈公祀鄉賢錄輒爲誦述

周侯通籍始今皇建元初予叔廣父者後輩從前馳彥
英符昌運龍虎各騫據至今一榜士名姓豔人呼周侯
驥南國彪怒出門閭雲萬里闊氣蹴百錢駕維時天
地霽日月方並蘇禁中靜灑掃高桐蔭天衢棘莖易芽
葉未幾煩芟鋤周侯投袂起職禮效臣庶始疏論易名
忠死千秋模九原肉義骨炯炯丹血孤旣乃援正直請
劍斬短狐雷霆禡冠笏被歸山隅三茅窮谷隱六籍
竭淵漁鳳穴羣鳥集龍門眾鱗趨道風之所扇吹噓動
八區賢從介生甫門中蔚大儒布衣雄世久今始光鄉

三山吟

十二四明叢書

約園刊本

書先達爲簡臣風雅寄銅符我容諸子在壇席布玄珠
傾崑見瓊寶所價高璠璣璇源有自出賢祖含蘊殊青
箱傳禮樂幾人得膏腴籙者猶富貴益知詒厥訐俎豆
久乃定孰敢倉卒諛巖巖孟巖公奉主拜爨除父老圓
橋觀死生皆色愉感歎動中懷欲告偏囁嚅是非千古
事毀譽吾誰於孔顏各言子疇能令親疏春秋踞竈筆
霜鉞擬不如內魯微定哀賢親並諱諸季友存孟仲忠
厚道非迂君子用心至念茲助歎歎本朝史未就志在
明褒誅此筆不敢假當與周侯俱

遲見袁臨侯少參不得

袁爲稅監劾降秩行仲馭儀部來遲之北固旣
聞袁竟造門而去余亦失悟悵然賦此

世風趨滑稽袁公最礫柯持方而納園往往道相左直
道當固窮非因命坎珂公昔校晉士鑄八剖歐治太行
西至河鐸響千里播曲臺主學政當時臣叔也

廣浦叔

水

鏡獨稱公品題妙貼妥將歸示子弟樂此手自寫乞个
多士卷玩予未釋把獬豸化檮杌盪直何蠶苴隨師就
獄門羣弟如赴火嶽嶽吳中丞抗奏彈讒者夕上朝復

三山吟

士四明叢書

約園刊本

官蹈舞驩區夏誅凶舉元凱此後風絕寡快覩聖明政
非公獨身荷維揚國咽喉中監寄關鎖淮濟溯直沽鞭
筆屬偵邏建牙雙戟門威虎誰言假公乃昂然來孰肯
爲其下強笑面猶噴半掛西向坐

即用劾疏語

出逢奴豎軒

爭道行黠叵犯公鹵簿中便遣赤棒打阿癩走哭訴此
官健莫惹誣公得遷謫是福本非禍吾友有方生

方名元仁

南園子生洪洞劉閣然中丞迎爲賓師

同閣遊同社於予人外交愛醜無

取捨琢篇全學子渠玉子迺授經向河汾從游講席
夥公從弟子文淵源識大雅物色得吾友廻軒過於野

握手談胸懷日斜肯駐馬吏俗牽常儀下士風日墮纓
緞互沾沾布袍更瑣瑣陳蕃格孟博如公故足哆勳名
方崇隆風節仍瀟灑文武在攬結此心無不可每代吾
友感愧歎顏尙赭寧知海東雲其下更有我北海知劉
牧擬議似亦頗兼葭思伊人臨風耿獨瀉

黃鶴山

鶴林寺在焉亦名戴公山寺有唐宋斷碑劉寄
奴井寺外爲米南宮墓

橘黃酒綠遊黃鶴新釀江濤手自攜春雨鋤新碑字出

三山吟

十四四明叢書

初園刊本

秋風草老墓門迷奇奴田舍空觀井戴老風流尙聽鸚
醉醒緩歸暝色好深山卽在近城西

蓮池

周子讀易處

周子愛蓮如愛易易通蓮說兩篇書風流那有大儒癖
同異無嫌諸佛居秋水荷香留枕簟春山草綠到階除
自家生意圖前畫憑向乾坤問舊廬

杜鵑臺遺址

在鶴林寺外

杜鵑花爛赤城頭劉阮家家跨鶴遊偷向人間終不久
仍歸園苑合無憂子規啼罷空臺暮蛺蝶飛來野菜愁

何事重尋股七七神仙蛻骨亦長休

米南宮墓

在黃鶴山北米友石太僕修理後今荒坵僅存
眾香國裏去何年喚汝伽藍公失言鐘鼓自鳴貪作佛
芙蓉無主定爲仙披袍欲拜瓊瓏石洗硯重登書畫船
可怪牛羊偏獶獬一抔幾變豆麻田

蓮華洞

山在峴與招隱之南迴龍之東志不載此洞

客潤月許日無日不山行嘯侶命籃輿筇屐得暫寧出

三山吟

十五四明鼓青

新園刊本

郭七八里山淺愧林垞樹寒無鳥啼但聞殘葉聲稍深
見翠篠色過煙嵐靑云此八公洞高士皆弟兄漁樵老
一處大隱無姓名或云梁太子行宮貯娉婷長門已多
怨況乃友猱甦要皆俗傳疑莫更惱山靈遙望招隱石
杖策同攀登崖广皆鮮異名傳無足稱當時選書人實
亦卜書生使之主六師豈必斬淮鯨英雄難爲後霸業
常無成生子恆惜惜守文不知兵作帝身無終爲奴讀
佛經麪牲絕血食豈待餓臺城天意失三慶蕩舟墜前
星眇見頗似父土囊殞虜營香爐因果妄捧詩慟行刑

六朝代已邈歎息無多評坐久更下山霜風所至清踰
嶺東南去放杖行步輕有洞名蓮花正作蓮花形覆花
仰面看分別瓣蕊莖斧鑿誰雕鏤一一皆瓏瓏其外悉
花嶼菱芡吐奇英石屏十許丈見客如舞迎其上小石
洞扣之聲訇訇可以當溫谷辟寒氣欲蒸苦遭老髡俗
蓮花困排撐塗泥墁牆壁蝸牛徒自營一鼃駐五馬始
開天日晶今太守程侯名峒尚有養牛欄架屋壓瑤瓊思借襄
帷威趁去酒肉僧語罷聞松風山靈笑而聽洞前連理
梅覆蓋已亭亭用此識僧罪善護花將萌

三山吟

十六國明叢書

約園刊本

招隱山

一名獸窟志云故戴顓家玉蕊爲李文饒故事

有昭明太子石案存

掃雲無復戴顓家野草何知玉蕊花山下長江收作帶
洞前老柏髡爲叉枯藤絆石蕭梁物活水燒松陽羨茶
欲向煙蘿便買隱牽人楮墨事爭差

唐頽山望月

月色上方好城隅得此山水浮煙靄合雲過雁聲還客
夢鐘兼動漁船鷗與閒不須遠汎艇坐嘯俯江關

贈周伯高

馮子還生漢周郎好在吳御窮猶蠹簡憂亂忽虬鬚倒
篋詩皆好遊山屐必俱出門慎攜手世路正崎嶇

伯高索題壽張媪畫

祝年寫起五鬣松雙鵲來棲萱徑遠足知隸畫皆凡夫
所見塵俗盤礴了豈曾夢見三神山弱水東去萬里渺
瓊枝珠蕊不知名鞭螭控鸞導青鳥列真所聚王母尊
紺髮紅顏皆不老阿母今爲學士孫芝根原出瀛洲島
有孫有子玉樹林階下青葱踏雲躡都忘甲子加亥首
丹臺日月無昏曉何以前我紫霞觴從母請受錦囊道
我有十二玉樓圖不畫人間禽樹草喚取飛瓊捧玉硯
白雲百幅爲母滯

楊文襄故宅

姚崇事業竟紆身徐勣兒孫豈乏人當日門庭原傳舍
於今將相幾名臣智襄借去除宮狗威斧親行清塞塵
卻笑東齋老杜國默然茶罷太逡巡

王在明自楚避地喜過其家

十年求友常鼯飢如肉一盞飯數匙今者始得飽摩腹

鼎烹太牢啜無遺澆以醇醪有氣味羞將蘭桂無差池
殺核百家無不有片言發藥療狂癡我友謂誰楚王子
泊泊江漢勞遠思子爲君宗自英少我方翦髮從塾師
夢尋輒走四千里到今泱紆無見期九疑高高三湘闊
何如一見王子來我適薄遊子避地此會豈非天假之
子從圍城挈家走衣裝猶帶戰血悲翦紙未招旅魂至
驪然見我破兩頤妻子無恙安足道但願新知無別離
爲我開尊剖雙橘洞庭家釀合春滋捐棄琴書及田宅
艱難攜此酒數瓶欲求良友共營此只此高率俗所蚩

三山吟

六十四明報書

約園刊本

於酒未嘗黃州美正如不識子須眉一朝見子飲子酒
終夜把臂持屈卮醉語不忘故鄉亂養虎已作飽鷹飛
礮肉腥臊寧足食那救白骨堆蒿藜空聞檻車徵督師
當年推轂者爲誰九州難鑄用人錯廟謨只許軍容知
八面長圍築不就驅向伊洛復奚爲況乃大旗焰粉靨
笳鳴掩耳帳中窺莫更謾人作兒戲此舉軍國繫安危
與子挾涕復狂叫拔劍斫壁東西馳賊何時平須作相
待我龍鍾無已遲子指我口且飲酒舌存須避蘇君時
天爲蒼生作遇合我能潦倒當追隨欲買山中舊書處

說汝四明山大奇望汝匡扶事都了相將入山勿復疑
喜杜退思比部至

時杜丁大憂以避楚亂寄南都

故人天上至遊子客中過別後看無恙情來喚奈何單
衣新挽雪同枕夜橫戈吾曹皆曠野盜賊爾么麼

蒜山 一名算山

曹操樓船蔽日來周郎一炬悉成灰孫劉從此三分鼎
瑜亮俱稱十倍才戰血醜江猶赤壁虎皮坐幄竟青苔
二翁亭畔休歸去多少英雄喚不回

三山吟

九四明叢書

約園刊本

揚子渡口感懷

津亭楊柳不勝攀官渡行人自往還烽火乍驚南北戍
笙歌猶醉楚吳鬢波聲水國蛟龍窟戰氣樓船虎豹關
自古咽喉須重鎮蚤移幕府控江間

嘗議撫軍駐吳門當移京口

北固山後觀石壁同沈茂叔家正則沛祖兩叔

山後石壁峰巖皆佳新築小庵鑿放生池於其
下適茂叔隨張叔來自都門正則沛祖自淮其

舟過京口同遊

山前見紫土山後見石立高崖背陡竦孤峰手對揖天

公斧劈成龍鍾身僵蟄鳥下目睛眩猿緣蹶爪澀千歲
藤蘚枯四時煙嵐溼始盡此山奇俯仰看不給無須著
宮殿那得開梯級緬想臨江時倚舟摩嶽岌念此竟大
佳金焦非所及何當掘桑田依舊潮痕迥於斯鱗方塘
庵宇初營葺辛苦活數魚魚在池中泣大壑去我咫尺
拘無因入釣鉤木易避作獺方見執出聽策策聲區區
噉數粒安得西江來縱身遊响吸非魚我知魚人魚此
苦一斯人沸鼎中矯禍救當急何繇見天子要以時政
十木蚩宰相村亦恥權謀習房杜與姚崇三賢兩皆失

三山吟

三十四明叢書

約園刊本

善學古人長鼎鐘庶可拾莫教豺咬魚變理道已畢願
視三子笑徐言苦翕翕時宜略如斯郡國多憮悒三子
遠道來陌頭裏氈笠攜手殊惘然衝霜歸郊邑有山願
共遊韉馬屢相繫莫愁行路難箭羽紛未戢我知當世
事俱在敝書笈且作遊山人山志同校輯時司土者將以三山志屬
余請家太僕修之

北固石颯峰上僧舍同周松如民部王在明共話
僧是空爲雪浪弟子不下山數年矣

言尋衲子閒得伴松寮靜空澹野雲心留連山鳥性香

熱淨琴清風寒發酒勁歲暮南徐客邇遊何日竟

晚坐甘露寺禪房同無聞上人

葉得霜輕墜又飛無情有恨點人衣客留秋老穿芒屨
僧定翠微掩竹扉石磬聲收鼓角斷寒雅影帶鉢釘歸
每來靜掃蒲團坐支許於今各杜機

李卓吾酒杯

月夜過王在明飲出小兒杯良工古物也云是
李卓吾日用器龍湖留別楊定見者在明從楊
換得余手之感涕極醉而歸

三山吟

三十四明鼓書
約圖刊木

龍湖昔是焚書臺李生王霸縱橫才開口輒罵張白眼
佯狂不受世人哀舉世爲公幘中蟲忽然薙除不耐櫛
左手搔頭右手哦誅討千秋一丹筆當時國賊方乘權
妖言變起朝野謹飛羅幾鍛四海郭畫獄遂陪彌天觀
先生無山不歸隱投老流離寄食竊讀書種子絕東南
方公族赤李生芻穆皇敷仁四紀中雷霆下逮老禿翁
天地雖寬出門窄宰相無才才不容七十老翁李北海
何緣求貴得死偃月堂中笑裏刀多少忠良骨化醜
天下皆癡公獨狂生憎老死兒女牀好頭頸還自家斫

公醉後自摩頂輒有詆刀焉能殺余終偃殞少小遺編之識恥病死亦其語云

不離手那知口澤共尊酒莫學罵人有如后哭向王郎
盡一斗持卮對影成三人但見影醉寫公真公死猶生
太平世九京可作難重陳

宗忠簡公墓

李綱初罷岳飛少壞汝長城天謂何不夢家山歸白骨
空招魂魄過黃河鷓鴣春恨年年在松柏陰森夜夜多
死去九原猶裂背小朝廷已議求和

徐信之招集

三山吟

三四明棗書

約園刊本

十載論文避此才暮雲尊酒一時開交逢林下形俱外
路盡江南首重回卻病著書增七發

信之小病新痊憂天觀象

失三台

時葦掃中台月下歎望

賞題也識徐元直雞黍殷勤國士

推

贈紀介公次惲道生韻

騏驎阻江河何如一窾木松栟雖良才無匠不改樸牆
桃載酒多誰問深山菊天運浩如海梯米沈難漉三復
感懷篇

介公自著凡三十首

一悲唐衢哭有才定無命奈此白日

速高士忍飢吟骨相羞食肉太息先生貧贈之薜荔服

重贈紀介公題卷軸

咄嗟人情惡而令交道難風波翻蓬次矛戟脫舌竊誓

且誰能信甘飴終鮮歡能無恨張耳未免思王丹斯世

皆爾耳此方更瀾漫爾子有劉紀

劉謂長公

老成羣所安劉

耳竟遺世

劉近病耳

紀心惟默觀汎然遊鄉曲古道天與完

我懷本無我中容卿輩寬獨爲海鷗鳥何知梟鵠誰無

須兩稜墮自屏眾溺攢子志誠吾道往來最盤桓名指

心肝語無盟何有寒

赴劉子約飲正逢其太夫人初度

三山吟

三四明藏書

約園刊本

劉叔子家迎急客袁夫人所拜真仙千春進酒瞻珠帔
萬里縫衣廁綺筵負米慚歸滄海上開尊喜對大江邊
與君肯向南陔老只待東征御錦軒

夜招劉長公談易

劉名夢震所著有默庵易學

劉向去我久六經誰與談易爲天地奧說者書如山寥
寥四聖後幽室無人探九家空分門京管苦闕斑晉代
雜莊老王何遽以還宋賢精義學象數偏未諳疇從龜
馬始親見羲皇顏猗與拈鐵撻敲枕十年間蠹魚嗜碑
碣鑽研徒自慚散籤斷眾簡丹墨稍訂刪擬爲繫前傳

聊以擊蒙頑傳經念不易猶自封破函

子所著繫辭前傳未行世北

來到南徐書囊不復擔羈孤鮮可語口如馬在衙塵尾
挂帳鉤牀頭寢晝耐牆東聞劉子注易常閉關開門肯
見我歡喜出一槭畫圖幾百个苞義皆微草濂溪分異
派牝牡同一圓形模爭豪末後來居先班推移一太極
要如轉連環縱橫無不合萬象真海酒畫前更有點周
孔竟誰參只此包無極莫待一生三天根窮搜拔月窟
細鏗鏡河洛皆後出黃鐘於內含玄經腐醬瓶卻笑賣
苓慙子佯堅塞耳聊以遠塵凡我筆子乃舌詰難無不

三山吟

三西四明叢書

一約園刊本

堪申旦常失寐欲去祛仍摻常恐我汝渴蓄茗薦雙柑
感子心貌古昌歎有回甘非我叩鐘鳴子終老默庵操
矛方入室與子鬪冰藍我歸日月邊易道從此南

京口別諸子次韻

周伯高還江陰程穆倩還南都王在明過揚州
錢開少往靖江子向南都赴滌久相聚驢一時

昔別其賦

莫戀尊前別須尋夢後思江山京口合歲月客心馳
哭臨歧路飄零送臘時將離還自惡分手各留詩

漫歌留題崇福觀

君不見高皇定鼎於金陵三山香火方崢嶸賜田萬頃
供佛僧又不見肅皇玄修醮大內乩降真仙天語對陶
生病死蒙恩賚秦漢唐宋各盛衰民風風偃常從之大
部佞佛勝諂道怖死人多貪生少代元帝出西方人狐
鳴彌勒抹紅巾將相一人嵩山寺形如虎病眉眼異聖
朝有道崇儒書外道含弘未屏除黃冠骨癯黑衣胖釋
迦微笑莊周歎君不見觀中道士典羽衣坐餐清露同
鶴仰不如僧鉢能錫飛何時畫井四民肥瞿曇聃耳逃

三山吟

三五 四明叢書

約園刊本

同歸一道同風無是非

同程穆倩發京口至南都道中戲柬卻寄潤州詩

酒諸友

少聞京口酒幾被新語誤老兵定癡人容易謬題譽濁
過膠牙餠醎甚齶齒醋決水長江流難滯腸胃酣苦辭
惡酒來慳然脫繫捕醉遊憶江山回首因北顧遠別難
爲歸他鄉易如故悵望澗山高猶見城雲暮夜息款段
橋朝驅款段步出門寒月白炤我裘破絮俯驚驢無首
始覺埋深霧行行角巾斜屢望道邊樹所悲驢背溼霜

薄化爲露犖确傳蹶急丁零聽鐸訴誰憐烏啄瘡但擬
馬知路汝飢奴當芻汝倦客少駐驢鳴咎我言感公肯
存注幾年馱癡骨類我不見恕筆罵多妄曠默默無生
語樂哉今日駟努力願僮仆恨我非驪黃漉汗慚恩遇
鳴罷更長嘶喜躍轉惶遽同行有程生駭聞怪其故世
無介葛盧覆謂予言督程生坐肩輿與子憊而呼足使
陶亮安將毋并春怒子後我愧先驢難爲人助疾驅入
帝城人驢各散去來朝必重過道里同記注寄謝諸故
人敢忘舊歡釀速醢十斛醇歸途還治具此言如見負

三山吟

三六四明叢書

約園刊本

恐敗酒中趣寧留建藥濁不向潤州吐

簞溪集目錄

卷一

懺舌詩十四首

磨兜堅祠迎神詞六首

寄李研齋

過半塘翠邏菴弔石樓先生十韻

卷二

鞠小正序

與吳霞舟書

簞溪集 目錄

一四明叢書
約園刊本

皇明資德大夫正治上卿太子少保進柱國光祿

大夫太子太保兵部尙書鄴僊馮公行狀

簞溪集卷一

馮侍郎遺書六上

明慈谿馮京第躋仲撰

詩

憾舌詩十四首

不幸好辨矢口以直指卑蠶素吹夷噓蹠逞其雄鋒連
挫坐客何以改之為模稜尺

不幸好談清言于子屑玉細唾豕輶疾驅塵尾松枝奪
人自誤何以改之為無口瓠

好為強聒觀面箴規交淺言深口是心違未聞良藥強

簞溪集卷一

四明叢書
約園刊本

人而施何以改之為含膠飴

好為尚論故紙是瀆經疑史糾手誅筆戮夢與鬼爭道
訊舊獄何以改之為封固籠

不幸為文纂言萬軸不飽枵腹何以改之甘酒肥肉沒
字是勛

不幸為詩叉手吟成喪我鬚莖何以改之一往沈冥樂
在無聲

乃耽教誨弟子成蠶鉤黨可畏何以遣之勇撤臯比捲
堂而退

乃嗜諫爭處士橫議廟堂所懲何以噤之吾無與焉以
待時清

不幸好哭途窮路歧徘徊一慟賦而分馳何以善笑面
破韉皮旦旦解頤

不幸好罵輔以白眼牙關劍戟爲禍不淺何以導諛承
顏忍澳人人稱善

尙捫我舌弗生抵突孔子大聖有取木訥三復白圭斯
爲明哲

曹公漏言自咋血濺賀敦刑死引錐刺子中散獄中幽

雙溪集 卷一

二 四明叢書
絢園刊本

憂志恫

使口如鼻祇宜斂氣使口如足所至縮縮使口如瓶何
言可聽

鄭賈程朱輯傳審箋遷固李杜皇皇大篇綴名勝達繫
籍聖賢何以師我曰磨兜堅

磨兜堅祠迎神詞六首

潭潭先生人貌而天古之傳者多以立言爾獨異是以
不言傳默如瘖如其中塞淵

在漢得之司馬德操是爲冰鏡故以靜妙伏龍鳳雛邵

不足道

更有焦生煮石爲糧蝸牛廬舍問答都忘舉世無耳先
生括囊言亦不解祝嘏殺牂

晉有阮公精通玄理眼存青白口忘臧否兒輩蛙鳴空
脫塵尾

洎乎隋唐有醉之鄉子仲長子宜君宜王臣視河汾奴
視薛房把杯陶然不言含章

愛此數公三緘苗裔我師哲人異代同契黃金鑄像周
公遺制奉之配食諒同臭味春蘭秋鞠薄言設祭以禱

龍溪集

卷一

三四明菴書

約園刊本

吾災以養吾氣

寄李研齋

在昔慚溫嶠於今恨趙苞國讎與家難都逐蠓灘湖

續用上
首舊詩

過半塘翠邈菴弔石樓先生十韻

攀葛巾方冑披煙策乍攜橫岡盤磴路斷峽吐迴谿篠
合孤亭窈松深一谷迷昔賢曾寄傲今我獨含悽此地

悲青草當年感白雞

先生歿
於辛酉

琴亡秋水咽客散夕猿啼

飲犢浮瓜澗逢樵載酒隄茅堂全壞處桂樹半萎兮誰

岡山中月空摹石上題吟魂招可下只在翠微西

翁上
詩輯

鐘溪集卷一

四四明叢書

約園刊本

鐘溪集卷一

馮侍郎遺書六上

明慈谿馮京第躋仲撰

文

鞠小正序

予每從市肆閱書歲乙亥得鞠小正一篇於淮西市題曰晉陶淵明著其言簡而覈似爲晉宋人作世之推求鞠故實者必稱淵明然則種鞠東籬下故能究其理而盡其法者也其書以秋九月爲正儻亦不奉宋正之微旨耶鞠記黃華本諸夏正抑黃魏統之色也晉所從受

簞溪集卷二

一四明叢書

約園刊本

代子滅則思母而宋運故當用魏德勝之爾又鞠窮也華事至此而窮其歎身與國之窮乎淵明之俯仰感興於一鞠有以夫古人之意不必如是然是乃古人之意也其大小注論種植法甚詳不定爲誰注然後之愛鞠者求之此一卷書足矣古人爲學祀先聖先師若以陶爲鞠聖得不以此書爲鞠師也哉他時三徑業成當做茶竈祀桑苧翁於籬次畫葛巾遺像庶幾與鞠並蒙其

福焉

經義考

與吳霞舟書

延平拜延台教不知天翻地覆一至於此從海上傳行
在諸同朝行止不能一一具詳然得承老先生道候安
吉天留一个臣以佐中興正如瞻烏皆散有鳳孤翔一
不爲少吾道因之未喪斯文於焉不墮不孝生平宗依
之私倍萬恆喜者此也聞主上眷知晉秩大宗伯此位
清華甚爲得人贊不孝嘗爲浙福前事言今日之事軍
中非朝中也但當務立軍不當務立朝廷宮府但當備
三軍六軍不當備百官也天子以三尺在馬上何暇垂
旒裳鳴鞞珮耶故今日五禮當先講軍禮而後及其他

可耳然禮莫先於名分莫大於君臣其次莫嚴於華夏
老先生出其腹笥叩其囊智能以禮佐戎卽是以禮佐
國於中興乎何有如蕭梁中興畢竟以元帝爲稱首彼
蕭督者至於借北狄以傾中國豈非梁武之罪人耶漢
室光武中興劉盆子以百萬眾降曰待以不死天子以
國爲家國統所在卽家系也宋至中興爲高宗而傳之
孝宗雖家天下乎有官天下之義焉此宋祚之所以靈
長也凡此皆禮論之緒言率意及之以供麈尾發揮可
乎君子愛人以禮祝進事吾君退交吾友老先生以其

精者潤色中興以其緒餘陶鑄弟之頑樸可也仰藉台
庇得再同朝攜手皇路甚善顧不孝已是濫太真以下
一流人不復可入第一流長與門牆辭矣

雪交
亭集

皇明資德大夫正治上卿太子少保進柱國光祿

大夫太子太保兵部尚書鄴僊馮公行狀

公諱元颺字爾弢別號鄴僊曾祖燮贈中憲大夫祖季
兆嘉靖甲子科舉人仕工部司務卒官累贈南京光祿
寺少卿父若愚萬曆乙未科進士仕至南京太僕寺少
卿贈太常寺卿累進階正議大夫事見神宗實錄及襄

鳳集卷二

三四明叢書

約園刊本

陽志母淑人願生子二長子元颺崇禎戊辰科進士仕
至都察院右僉都御史公其中子也繼母姚淑人無出
庶母張安人生季子元颺以五經中崇禎癸未科進士
釋褐兵部車駕司主事馮於浙郡望最高其先繇婺州
始遷於慈谿金川鄉吳越入宋時始祖禮部尚書文直
公叔和至公爲二十四葉孫公生五歲喪願淑人祖母
錢太恭人撫之天質荳穎絕異常兒讀書瞥見不忘攬
筆成文齒少於其兄十二歲一切以兄爲師友愛周旋
未嘗暫舍凡所誦習從兄受取其所銓評者以故古今

鄧什累句公率不經目年十八補邑諸生二十一兄弟
同舉於鄉行卷文妙天下一時謂之合璧天下稱之曰
大小馮君二十五成進士當選庶吉士公年少有才名
館閣爭欲羅之公避往西山不就試以三甲願爲令選
授廣東澄海未之任丁父艱服闋赴京正逢逆奄擅權
鄉人有欲以往平處公者在平田爾耕里也一日再詣
公云第往滿歲卽領銓矣當路大賢也而何疑焉公謝
絕之補廣東之揭陽公性本弘恕爲治尤崇德教昔太
常公守襄陽九年視民如家襄陽人至今誦之爲羊公

後一人公政事率承其名父風流其士民親愛之都絕
去君民常分於時海盜劇甚閩廣騷然前後七犯邑城
公倡屬守禦有備賊每攻失利而退先是城臨大港賊
舶乘潮直入舉艖擬樓堞公爲投石築七星堆堆成賊
舟不復能前已而賊或平或降公助臺司經理有力焉

山寇僞贊明王者流突入境公屬疾遽起就輿率甲往
勦之一日夜破其三營俘斬五百餘人賊遁去建文起
書院初祀韓文公以陽明弟子季公本高忠憲公攀龍
已下脫一千三
百六十餘字
身外也併糾及吏侍郎田惟嘉時相聞

之憾公次骨五年南禮部郎周君鑑以建言爭內遣事
除名公疏言年來中外大小諸臣湯開遠郡吏也金星
耀世胄也華允誠等部曹也黃道周等詞臣也皆以言
自效而名爲言官者寂無一言臣愧滋甚願得罷臣言
官還鑣原職又上愛惜人才疏以講官姚希孟言官趙
東曦獲罪外謫請留之並不從八年烏程以舊怨逮故
禮侍郎錢謙益給事中瞿式耜時大獄猝起意在羅織
中外皇駭羣謀盤牙布伏不可解公所以左右消禦之
者百方乞事解竟不知縣公力而錢瞿未至獄烏程遂

去位公於二公爲後進固素無周旋者九年倪公元璐
以讒去位公疏救之併追論烏程擠逐文公震孟之罪
皆不納十六年都御史劉公宗周爭繫治給諫姜垓行
人熊開元事而僉都御史金公光辰乃救解劉公上震
怒將同得罪公言今日此請臣實與宗周共約云皇上
未嘗罪言官下詔獄請且乞付刑部當共入諫必得請
乃退但宗周次當先言語太切直繇其平生切直性成
僚友間面斥人過固嘗屢責臣以佐樞無狀也今若以
此罪宗周臣應同受其罪上意稍解兩公竟罷去又上

嘗言劉宗周岨彊公對青宮正須育德若使兼領宮僚專侍東宮左右朝夕進規最爲稱職上首領之而不能
用公平生於扶進正直抑退衰惡以身殉之當人患難
率蹈危傾資非所計既多隱德而事亦甚夥不勝紀武
陵相公總督山永時上平賊策請凡天下有鏞處所令
悉聽民開採以散賊眾公極言其非謂此乃聚賊非散
也遽罷之武陵奪情起復除兵尙書旋入閣檄天下兵
八面屛賊爲盡賊計援兵至者數多少期日先後悉不
問糜餉二百八十萬功竟無成時上當朝以兵餉出入

贏絀數至八十五萬爲憂公而論兵食合一所以足國
之道此八十五萬缺餉非所憂也退復申奏爲言兵部
但知責戶部之餉而戶部不知問兵部之兵出人安所
稽覈卽如勦餉一說初議用兵十二萬故措餉二百八
十萬通計一年食今據所報兵數不滿八萬則已溢餉
百萬矣更去來先後計日計兵其數豈止此哉又況邊
餉爲數至五百七十餘萬之多其積弊不知凡幾所謂
覈餉不如覈兵之明效也武陵聞之與其黨初甚窘已
卒寢其議然諸閣臣皆思齟齬公而其道無繇會公都

諫秩滿當陞京卿以太常少卿起事閣臣格之久不行
已而除命竟下故太僕寺卿史堃以言官追論其巡鹽
贓賅二十餘萬捕治之史蓋官興初執政時腹心也言
官爲南科臣張君焜芳張亦浙東人史乃獨心疑公辯
疏橫誣及之閣臣擬旨削官付外推上遽令駁改特詔
不問而史既死獄中籍其家公在戶科時戶部議生財
以天啟問科臣周希令曾言應天等七府地方孳牧草
場有原額六十萬頃之說規遣重臣經理其事公特疏
爭之云按會與嘉靖十年差御史勘定七府草場共地
五千五百三十一頃有奇內堪種地計止二千四百一
十四頃餘耳再考萬曆會稽錄所載七府官民田土全
額爲頃不及五十萬牧地卽在其內何乃反有六十萬
頃或訛畝爲頃相傳成誤乞先敕南京屯馬御史會同
所司覈實然後施行疏入上悟從之七府吏民得以不
擾公嘗憂國用建議請重錢法以爲國權今之銀不以
權錢而舉天下錢運之北自北散入西北邊勘復之於
南故雖江海易竭也夫銀自不足而錢自有餘南錢十
四文當銀一分是百四十萬止爲百萬也北錢固宋當

二錢則周之母錢也而一文止爲一無子錢以分之是二百萬而止爲百萬也今加派二百八十萬遺欠日多莫若置銀取錢錢十文卽爲銀一分北錢以五當十南錢得互輸子母通行則加數益多名爲取之而實與之雖曰加徵謂之平錢法可也貧吏無所得耗盜賊苟苴無所得輕資擅山而鑄則無窮之源也宋乏錢而用鈔此難爲行今乏銀而用錢豈難爲哉庶於皇上不忍加派之意仰成不小部議不能行又嘗因邊餉不繼疏論錢法以爲生節之道無如邊腹並鑄一法塞上乏錢

以局錢行之不遠而部發金日出郊畿稍南以寡局錢而私鑄益多今楚地設有錢局矣竊議九邊皆可鑄而因已行之法山海爲先各布政司皆可鑄而酌水陸之會臨清爲要山海聽人輸餉如中粟例給以鹽引或開事例而管口卽舊兼鼓鑄祖制以錢事屬兵部則將卒皆可彈壓矣臨清軋廠一差事簡任久可使兼攝而貨艘往來皆令附載銅受價先以廠銀爲銅本以鑄息補還俟錢息多卽輒費可除蓋錢有五弊鑄不得地一也設專官二也乏銅本三也銅不易致爲姦商耗四也上

礙局錢下遵民用五也行臣之說五弊悉去而邊可實
國可裕在內則齋盜無憂在邊則屯種有本其利且無
窮惟敕部斷在必行已部議竟停廢之使公輸錢鑄錢
議得行必可足餉減賦奚至加派之外無財用他日且
議及鈔法也聞一中涓言御屏上黏有八疏皆經濟事
而公疏得二通焉上嘗因省歲恤獄公在刑科上疏請
頒繫一日出刑部獄者二千餘人尋更上疏請復刑部
大小參之制且言入獄諸犯大抵笞杖徒流居十之九
而幽繫病染動與死鄰非有死法而就死地囚法之所

宜更也請自今永著爲令凡罪不至死及事非違道者
皆須分別保候不許一概入獄如此則令甲謳頌歷于
萬年矣優詔報答而有司奉行卒無能將順德政者公
在太常以前司禮王體乾匿所上孝靖孝和兩太后册
寶於私家得罪伏法乃令駙馬都尉鞏永固攝行補獻
以兩司禮奉將册寶往奉先殿前故有五門中有神門
神所繇道也次左右爲帝門又次左右爲王門駙馬當
繇王門入不可從司禮後而兩司禮者亦不肯僕事駙
馬意欲別行人自帝門公與執爭傳語往來久之公言

少時聞神廟孝事兩宮每二輦並行不可有所去就常
分手扶輦中門而進司禮亦聞之否耶司禮曰聞之公
曰此卽今日司禮奉行故事也兩司禮當各扶冊寶與
直從神門入爲宜司禮不得已從之又問拜跪班次公
曰祝文無司禮名駙馬拜於殿下司禮侍立殿上太常
讀祝司禮納香王冊寶於神座前訖駙馬拜而退司禮
乃四拜殿中奉祀丞奉帛從人殿可以贊禮駙馬太常
俱不復升殿此儀注也事畢司禮初意色甚惡至是悅
服上聞之亦喜念補獻無故事而公倉卒禮成協神人

意願謂司禮曰禮臣有此解事人因賞兩司禮銀四百
兩先一日司禮從禮部移文太常取制帛二具獻兩太
后而不言當合告祖妣將用此註誤禮臣公知之以宮
禁有搜閱法潛繫兩帛於臂而入已司禮先篋帛果贖
責太常乏祀事公從容言此司禮失取帛帛故在也今
奉祀丞舉進之司禮以故氣奪云陞南京太僕寺卿公
與諸當軸不合屢乞外遂除此官寺署駐滁州賊屢至
滁飲馬於江公上疏以爲守江南者必守之於江守江
者必守之於江北滁和二州其阨險也請設兵置將建

環山營從之其築隄蓄濠闢敦文訓武二堂濬柏子潭
築墨雲臺欽欽亭其上修歐陽陽明諸祠大正書院建
寶宋齋各有碑記存性樂林泉在揭嶺無事每多游步
至滁愛其佳山水南太僕故爲仕隱公神情所關搜隱
輯廢豐山苜溪之間往往多新蹟矣父子先後居是官
太常有祠在醉翁亭西公生祠在琅琊遷南京通政司
使通政司職掌通達下情特受民詞送所司奉行隨即
奏聞故事嚴重牽連輒破家而多因私口請枉陷富良
又府部各官司濫受詞訟贓賄公行公惡之至卽請禁
絕詞訟願自臣通政司始凡南京輕事赴訴五城重事
直赴北京投進南諸司一切敕斷奏依立石民間誦之
陞兵部右侍郎兵尙書陳新甲伏誅公攝之晝夜條覆
諸事疏日數十通積弛爲之一張時賊再攻汴城築長
圍汴困急報久不通公爲特設候騎遣間諜運糧餽之
始獲致城中奏章得其情狀屢檄援兵渡河總兵劉澤
清先以數千騎渡河軍壘成將議次第置營以達於城
而諸將逗撓不進賊來急攻兩日夜澤清亦拔營還公
議更置保督保鎮馳社受代奏請未及行而河決汴城

已沈鳳督部將廖應登李自春江正國等以罪檻車徵
久不至公固慮其有他密請於上制令一切營將有罪
援送次傳非宜準臺府得在所置獄奏上取進止囚亟
移教各軍府俾遵後令皖幕府止有兵五千人以三將
領之已乃聞李汪二將皆擁兵白衛洵洵將爲亂廖守
桐城潛遣人迎賊張獻忠獻忠兼程赴之而廖比知事
得寬遂不納賊急攻城既無內應復潛兵出掩賊走之
桐城獲全及鳳督疏至始言事不橫決而國法仍伸以
爲中樞操縱得宜也請合關寧登津四鎮及閩海水師

統以大將圖揭口巢北聯朝鮮爲復遼計逾年軍成而
關外失三城尋盡棄不守矣禁旅統於中官置勇衛四
營公以其所統猥多飽食無用請依萬曆四十二年制
額萬人爲準俾留兵萬四百有奇供陛楯鹵簿以一萬
一千餘名併入京營操練以資居重而調防鳳陽八千
人中官率禁旅暴悍難制總督屢言其不可用公令就
改之遙隸京營別受節制上皆從之京營招置降夷聚
族郊畿殆萬人議者咸有李文達于忠肅諸慮而患驟
動無名公因勸督募兵未足遂請佐以夷丁及新除大

同延綏諸將使分將數百人往號爲親兵資給優遣之一時肘腋害除初建議時訛言囂然上爲數日廢眠食中夜三五傳旨公執議甚堅已延斷從之夷眾帖然撓者讒不得行左良玉初衄於朱仙鎮收潰卒入襄陽軍情叵測遠近危疑臺臣有請以良玉委秦督誘殺之如賀人龍故事者公密疏保良玉力排羣議不用特撫慰之用良玉請用李猶龍監其軍良玉感涕誓以死贖前踣議南都防守俾閩巷悉置柵行保甲法各舉一人主閩門事清察流土姦良而以巡城御史分駐五城督察

之以原守城市兵卒營東西長安街及雞鳴山虎踞關清涼山諸廣虛處江上募通泰水兵補造戰船足額分墩會屯江外則以蕪采營兵進守和之昭關操江都御史移鎮采石浦口營兵進守滁之關山馬鞍山提督將軍駐浦口及增皖撫兵事皆施行然公素羸多病以七月十二日受事至十月六日病作得代公臨事明敏觸手輒了無所凝滯於國家典故政事大小利病無一物不諳悉究徹每於上前應對如流他人語吃塞輒代之言倪公元璐嘗語人曰我號爲曉事然在上前上或狀

然每患思竭馮公辯如決澗能令上問能令上答終日
言乃可不厭十五年九月六日上召朱成公吳恭順侯
五閣臣及吏戶兵三尙書並馬遊西苑遊畢宴於明德
殿公以尙書與焉皆下馬殿前上臨門南向閣臣侍於
階諸尙書立階下上命公前公辭以侍郎不可躋尙書
著次上曰無嫌而遂進復命之前乃復進至參諸相公
列次上攜公手語及祖父兄弟世受國恩兄撫天津弟
領貢舉上曰知卿固世家宴畢與公論兵事甚久共閱
御馬得佳者百餘匹出營中所制火箭以示公公爲辨

其良楛於是中樞虛宁久上意已心屬公公以多病不
堪劇任遂力辭尋病發隨舉侍郎劉餘祐攝理已乃用
張公國維張公踰年以口故去位中旨特簡用倪公元
路於戶部使理財公於兵部使治兵一時兩尙書眾謂
得人上喜語於朝曰昔堯命四佐舜有五臣平治天下
固無庸得人多也與倪公素同志稱金石交遂一意口
口蠹弊取平生所言兵食合一之說奏行之二部互置
司專官參總兵餉公至戶部室與倪公聯坐面命胥史
參稽帳籍羣胥初逃匿不至公大怒詬責之天子聞而

嘉焉於是察得浮餉三百餘萬兩耗蠹百端杜竈幾盡
兵部選用軍將請自各軍副將以上繇廷推選擇參遊
以下督撫舉薦於搜羅責成爲宜上允從之而兵部請
寄賄鬻諸竇遂絕吏人緣此往往皆求斥戶掾至相聚
爲呪咀焉然詞事者猶僞爲求官屢袖金門下徘徊不
得通而去謝病後始知之或謂此皆有所受命云武事
旣積蠱壞甚文武封疆吏類不得其人公嘔心振飭規
模欲次第一新之上亦倚眷恩數異常密旨一日夜數
至兵事深祕公條上輒焚藁草亦未嘗爲知識言之在

事四十六日及病中所上三百五十七疏具有錄目公
自誓以破賊爲己任請以孫督師傳庭堅壁潼關專辦
李自成左良玉堅壁襄陽專辦張獻忠西應蜀北阨闔
東顧鳳皖鳳兵隄淮保定兵隄河俟尅期會師而不可
浪戰須賊飢困無所掠突土團聯結旣成所用降將劉
洪起李際遇李際期等間謀得畢施乃議進取以漸蹙
之首以催戰爲戒謂自遼難以來二十餘年喪師口寇
覆轍宜爲深鑑屢於上前與廷臣質爭云皇上若必以
戰速爲利遲爲鈍請先收付臣獄一戰而勝斬臣可也

及奏頰上言之甚力以白高兩將不可任手書叮嚀諭
孫督戒以勿速戰輕戰更付一擲則決裂不可復支特
宜厚集兵力多貯糧芻致賊而毋致於賊迺公謝病後
言官交章復請催戰以逗留罪孫督勒令出關豫中餉
不具足軍興倉卒進兵賊轉誘之前自九月十三日至
十七日復大寒雨車陷泥濘輓夫多凍死糧盡師退兩
將先逃師遂大潰先是公以舉人王真卿聯結河南土
寨獎順誅逆有成效公病中本部竟奏用真卿爲車駕
主事以遂前功以試御史趙謨經理滇黔土司病稍閒

猶保任進士陳丹衷副將成大用續往粵西經理土司
擬悉發其果銳以勦楚蜀諸賊以撫口舊將張致雍經
理口口口用馬市餌之使貳口先殺口使口口無
馬則可坐困併任口口經理口口謂口本不強也
以西北諸大部落合之故強散則弱矣又修舉茶馬法
使行太僕苑馬養種馬選用士人優其事任度五年牧
馬可成施設皆具有條貫比謝病一切事都廢已舉朱
之馮撫宣府欲遂任以總督病中猶請易置宣府大同
暨河南陝西保定各督撫官凡公在部不滿兩月而病

以病假四閱月而允放得歸公去未幾而倪公亦以鈔法不行解戶部矣蓋公少嬰氣弱形質羸立骨見衣表其令揭陽時遇疾垂殆士民奔走營凶具乃復生遂患眩暈崇禎四年十月監光祿在寺中寒暴疾篤甚獲痊然夙痼緣此屢發五年十月十九日蚤朝侍立文華殿門忽踣仆折齒殞絕禮垣傅君朝佑自東班趨西就地抱持之宗人儀制司郎中起綸自下趨前出袖中薑咀納諸口有頃始活乃掖之退上坐視亦惻然不言御史糾儀特命不問後屢以病乞身不得遂六年奉差南京以病予告八年奉差河南復以病請不許九年冬十二月逢長至節習儀靈濟宮拜伏地不能起扶救得蘇已歷太常太僕通政無歲不因病乞休並不許還朝以攝樞務病作旋愈比掌中樞任遇既隆乃以匪躬未嘗一夕解衣寢素有便血疾至是大下旬日間幾以石許計困臥百許日兩足枯萎遂尫瘵不可復起遣醫賜瓜果相屬太醫視脈者亦以不可醫報命九月二十二日上手敕溫諭卿忠憤才識足濟時艱但今有恙須調朕豈不念目前寇口機宜亟藉中樞調度或卿稍資調理或

暫舉賢自代朕佇望奏報卿密奏俱經覽過殊合軍機
委宜次第施行公承旨猶昇疾至部與署樞侍郎張公
伯鯨其盡諮商時因關外二城失守復議檄天下勤王
公謂□冬月大舉野無掠食偵聞□□死□□立其子
而□□爭立故亟取四城自効此來必止八酋一部之
眾勢不能久且中後所以內應破中前所繇黃詩棄城
逃臣料寧遠兵將必能守此一城無事張皇專臺□今
惟當蒞飭關內河北諸軍俾三輔有重防兼備□寇則
急務也乃罷檄公臥理旬餘日滋憊困卒不可自勉強
遂舉南兵尙書史可法都御史李邦華自代而廷議推
起復都給事中張縉彥爲兵部添設侍郎上超用之尋
竟改本部尙書矣凡公所營綜端緒自攝理者已漸紛
更營將參遊以下官遂復連牘啟事縉彥至竟不事事
聞賊入城時縉彥固偃臥部中不之知也初上厲聲語
廷臣云問賊欲北渡則云守河問欲過河則云守關問
若出關則云守城樞臣處分如此可若何羣臣愕眙不
敢對豈知戰兵盡調赴眞保守兵以靳給糧不遣登陣
併一城之不守以與賊也公歸里猶事藥餌聞變慟絕

蓬跣匍匐至會城願與疾從義旗之勤王者久之知不可得則日夜北向叩頭與其兄津撫右僉都御史元颺相抱叫絕呼天呼先帝願一死從地下以得蚤赴溝壑爲追隨殉難諸人之後又復徧走西湖關岳于諸公祠祈死有病不肯復藥元颺於九月朔日卒公悼君哀兄悲憤瀰至兄病時一切扶持撫摩湯藥圍榻皆公躬親之未嘗以病自怠兄死強起視含斂猶能手書相訃重九日病遽篤次日黎明卒遺命吾死將上見先帝白布裹頭及身不得以袍服斂及無用浮屠法家人並從之

公生萬曆二十六年五月癸卯卒崇禎十七年九月乙未年四十有七斂之日手足柔軟屈伸如生蓋公歷官中外自縣令於天啟六年赴任廣東崇禎四年除授戶科給事中五年巡視光祿六年差齎糧長敕諭往南京養病八年起補兵科差封周府九年轉禮科右給事中至京轉刑科左給事中十年奉差巡青十一年巡視京營遷戶科都給事中本年陞太常寺少卿十二年陞南京太僕寺卿十三年陞南京通政司使十四年陞兵部添設右侍郎十五年轉本部右侍郎又轉左侍郎十六

年陞兵部尙書以五月二十六日至部七月十二日病
作出部病中夢囁語皆爲軍國故呻吟喘息纔屬不忘
口占奏章時時密封上之天欲戡賊則公將不病公不
病則必不去公不去則國事庶不一僨至此數當中圯
將相無人公在位日曩淺然殫智竭忠百年極壞欲以
數旬幹之而不可得旣上下鮮應憤慨兼懷以此重增
其疾未幾抱病去國可以無死然追念口寇禍深君國
淪喪求死得死卒如其志海內知與不知皆痛惜之公
爲令以禦寇功奏最己巳口始入犯薄都城公聞之與

郭庶常草檄募士期其赴難當事以山海寇並發遽尼
其行在諫垣條論口寇事宜皆中機要故素以知兵其
推當疏言誤事諸臣意本蓄縮而曰時不可口志在便
安乃云才不能任急則過爲張皇緩則口從頽弛以臣
愚度今時勢衰謂口必可滅賊必可平患任事無人耳
古人不具論如近日經事皇上者徐光啓詞臣領御史
練兵孫承宗閣臣屢在疆場若竟其用必有可觀何至
當食歎無將才如皆悠忽失幾淬厲不前臣雖至陋願
策駑鈍惟皇上所使執政以大言罷之九年口入塞破

昌平陵寢震驚公累疏條畫戰守狀及請令兵尙書張鳳翼親率師禦之因以護陵謂鳳翼人雖庸甚而其官曰大司馬且中樞數年將帥皆其所用使之自贖誤國計必忌生張公受命未出軍以憂懼卒又疏請上親征云口盤踞陵園援兵不赴司馬束手臣乞皇上赫然一怒發憤親征非敢効澶淵孤注之舉也蓋六飛親駕師徒必綿互數百里今賊近在百里之內則執獲屬之前茅中權自不待動而口氣已奪是乘輿未出國門而坐奏不戰屈人之績矣上不許已追咎所言不用云口見居庸有備卽舍居庸鞏華有備卽舍鞏華京東有備卽舍京東而西以趨良涿我不先護陵使入陵後不先救昌平使破昌平不先隄沙河使過沙河又復日緩一日不邀不擊賊顧居南而兵顧居北天下豈有逐口入內之理今大兵集涿乞速遣分援間道急擊奉旨約飭而已將士卒無用命者十一年廷推陝撫太宰商公以公堪辦賊公亦慨然願往而上念公多病特見留十二年口還至津霸閒公自請擊口願得授兵萬人以副將黃得功及火器若干具付臣臣馳往必破之朝議方主不

戰疏入留中佐樞日宣大援兵至城下謀易總督執政
借此欲出公以公名上上雅知公體不能塵霧特改用
孫公晉其本兵柄病日屢疏請出往督師謂臣身既病
正可得在軍輿載以死自效惟中樞無臥理法下有脫
簡缺五
百三十
餘字
公過首善書院有感而作詩曰維貞皇帝神授
符赫然映月追黃虞君臣羞道桓文事詔出明光徵大
儒有臣元標首應詔誰並進者臣從吾一時諸儒相繼
入王道蕩蕩民所趨貞皇雖逝嗣皇少譬之日出時未
哺聰明要自天所植鬼子未向人擲掄諸儒謂可睹上

續文獻通考 卷一

三四明徵書

約園刊本

治一往霍霍開荒蕪請爲天子建書院揭以首善天之
衝漢唐宋代何足數升堂入室泗與洙當使亂臣賊子
懼如陸有軌水有桴豈無贖鼎相錯列能由是路亦吾
徒越歲壬戌策進士臣颺蒙與諸臣俱二十爲學志方
壯晨起盥漱遵修途少焉諸儒次第入鳴鐘擊鼓聲淳
于衣冠肅對寂未語森若披古賢聖圖儒者寧盡闕世
務憂天往往多訐謔有時抵掌說忠孝秋風蕭颯吹眉
鬚乃知名教自足樂炤耀萬古焉可誣鬼子見此氣沮
喪蠅聲相逐紛胡盧讒之天子語橫甚曰宋之敗繇程

朱曰今多事豺虎亂裘衣博帶何其迂輔臣向高爲此
權手自伏疏震青蒲誰爲此言告陛下當付之吏法當
誅天子寬仁置勿問忍見白日舞妖狐於乎諸儒死不
恨魯尼鄒孟誠何辜長夜慘澹鬼子嘯天地反覆無事
無乙丙之際不可說故老欲哭徒嗟吁丁卯八月聖人
出讒者慄慄憂頭顱湯網吞舟倖不死又聞奉書東降
奴臣颺再入問書院門外細草閒啼烏聖人豈不重經
術時危未暇陳蒼珙竊見京師富梵舍口語以唄拜以
膜亦有高閣祀天主譚兵治曆喧鬪壺獨使書院屏弗

蘇溪集

卷一

一三

明藏書

續圖刊本

事臣颺敢復惜微軀卿雲縵縵天子都諸儒靈爽應未
徂大道經天終有孚幸甚爲念臣區區公詩體佳處固
絕逼杜陵也歲甲戌予假在里與小子讀經山中集子
弟結九業社身爲都講而屬小子爲都授以羣經諸子
古史今典詩賦字學兵略音樂及山水遊各爲一業聚
徒分侶卷部皆有程限剋日課較條教精簡不肅而成
爲門庭良法當與胡安定並傳爾公去任後以敘擒劉
超功加太子少保敘平賊袁時中功晉宮階一級陰一
子錦衣衛指揮僉事世襲訃聞敕予祭葬卹典公娶夫

人奉化鄔氏生于二愷愈府學生娶翰簡沈公廷嘉女
愷憲聘御史向公北女女二長嫁給諫阮公震亨中子
府學生廷蒞外孫四人次嫁工尙書張公九德孫縣學
附生鴻遵卜兆於本縣德門鄉之王界嶺將以明年乙
酉某月日甲子葬公而今臘之二十二日先權厝於北
郊其孤礪石以待附槨之文垂諸不朽以小子爲公知
且知公者從公遊日久當悉公本末使代其草具行狀
將求海內之大人君子與公同志同道者而爲之誌銘
願公立朝至慎密平生未嘗以奏草示人而小子私所
記識荒略未及向知交間採詢見聞實多疑闕輒牽率
如左以授孤於廬次謹狀崇禎甲申臘月朔日小子姪
京第躋仲泣涕拜稽首狀

馮太保文集

簞溪集 卷一

二十四明叢書
約園刊本

馮侍郎遺書附錄目錄

卷一

傳記

高宇泰雪交亭正氣錄傳

光緒慈谿縣志傳

遺事

黃忠義日本乞師記

黃忠義四明山寨記

周容浮光杯記

馮侍郎遺書附錄 目錄

一四明鏡黃約園刊本

卷二

酬贈詩

劉宗周用韻寄懷馮躋仲兼呈留僊津撫

董德偈步劉念臺先生韻贈馮躋仲

吳應箕馮躋仲京第寓戶部園郭孟白萬程招

同涂石丈世琳移尊亭上

吳應箕花枝詞爲馮躋仲納姬作

黃宗羲憶舊事

黃宗羲紅葉本事詩 七首之一

張煌言送黃金吾馮侍郎乞師日本

全吾騏日本乞師使者返棹四首

董守諭庚寅十一月十四日哭馮侍郎社兄十

首

有序

董德偁和不了道人哭篋溪子八首

李文纘哭篋溪子和次公韻十首

萬泰哭篋溪

有序

徐孚遠哭馮躋仲

張煌言輓馮躋仲侍郎

馮侍郎遺書附錄

目錄

一三四明樓書

約園刊本

高宇泰哭馮躋仲詩四首

有序

黃宗義三月十四夜夢萬履安及亡友陸文虎

馮躋仲

馮愷愈榕堂漫識

八首之一

全祖望甬上擬薤露詞

浮光杯

蔣坦擬明末溪上十三忠樂府和從伯炯作

有序

序

董守諭五哀詩之一

馮司馬妻葉氏

全祖望甬上擬薤露詞

相公襦

酬贈文

陳宏緒與馮躋仲

卷二

簞溪府君著作存佚考

馮侍郎遺辭附錄

目錄

二二四明叢書

約園刊本

馮侍郎遺書附錄卷一

九世族孫貞羣編

傳記

馮交亭正氣錄傳

鄭高字泰 元發

馮京第字躋仲慈谿諸生博學閑覽居平好談經濟國
難後入閩上中興十二論隆武帝召見大奇之授職方
主事改御史視師浙東至衢而虜兵渡錢塘公乃之舟
山與蕭虜伯謀爲興復策多不合意怏怏從張名振至
崇明應吳勝兆爲颶風所漂僅以身免乃從安昌王乞

馮侍郎遺書附錄卷一

一四明叢書

約園刊本

師日本舟中且拜且哭旬有餘日卒致其血書日本人
爲之色動然其師竟不出丁亥十二月初四又從攻寧
波不克於是去舟山至吳興聚眾數千亡何又敗又渡
錢塘入四明山中依王翊翊以兵付之京第倚山爲城
立老寨於杜巖練兵數月頗有可觀而督撫蕭起元下
令教團練逕攻破杜巖圍練從而犄角之積兵甲數屋
盡爲所得翊走天台京第匿民舍以免明年翊兵復盛
京第亦收拾殘卒自爲部京第自負經濟然欲以承平
體待其士卒不爲人所附故往往致敗監國在舟山授

副都御史升兵部右侍郎虜先繫其家屬母尹氏徙燕
妻葉氏自縊子頌年十五斬於市妾二沒入官營爲妓
建義受禍之慘未有若京第者也虜兵破四明山寨購
京第甚急其將王昇降附欲致京第爲功謂□□之曰
馮侍郎人莫知其處獨昇知之耳引騎往得之鶴頂山
中京第已病甚固山金礪以攻山寨駐寧波京第見之
不肯跪田雄在側掠之仆地明日遇害時十二月十四
日也未幾昇亦殺

貞翠案此下有與吳霞舟書小雪日集微詠樓

馮侍郎遺書附錄卷一

二四明叢書

約園刊本

宗忠簡公墓諸作編入集中不錄

槩札曰日本乞師其謀始於周崔芝芝少時往來日本
以善射名父事撒斯瑪撒斯瑪者日本一島之主也黃
斌卿之至舟山崔芝以都督領水師乙酉冬告哀撒斯
瑪願假一旅以助恢復撒斯瑪許之許助兵三萬軍需
戰艦一切不資中國俟芝自往受約於是芝益市錦繡
珠玉奇物與斌卿合謀將以丙戌四月十一日東行而
兵部尙書余煌寫書斌卿以叛將吳三桂之用虜爲戒
斌卿遂阻芝芝怒而入閩其明年監國封芝爲平夷伯

於是芝復理前約日本待芝不至其意浸衰所遣使又多商賈不能得其要領故日本之師不出及定西侯名振應吳勝兆之謀馮躋仲同往至崇明遇海嘯喪其軍殆盡於是躋仲同安昌王至日本乞師先是歐羅巴國欲行其教於日本其教務排釋氏中國之所謂西學也日本倭佛乃殺歐羅巴之行教者歐羅巴精火器所發能摧數十里舉國仇日本駕大船置火器向其城擊之日本謝罪大船始退退一日而躋仲至長崎島日本新遭外國之侮聞外國人至一切不聽登陸躋仲遙望而

馮侍郎遺書附錄

卷一

三四明叢書

約園刊本

哭晝夜不絕會日本之巡方者過長崎收血書達其國主躋仲還舟山而使斌卿之弟孝卿從商舶待命孝卿出入妓館不爲所禮遂不出師日本初用洪武錢後鑄其國年號而不敢銷毀藏之庫乃助孝卿爲軍需舟山始行洪武錢

光緒慈谿縣志傳

馮京第字躋仲號篋溪少負高才下筆數千言內承諾父元颺元颺教師事山陰劉宗周漳浦黃道周與於復社元颺撫天津有祥子嶺

按地在密雲縣縣志本明史及一統志作牆子嶺

卻

敵功京第與焉毅宗錄之未用唐王稱制蜀中京第上

中興恢復十二論授職方主事改監察御史

海東逸史作崇禎十

三年進士誤又云授行人政禮部主事福王立以原官召未赴南都亡杭州繼陷乃從里人沈宸荃等起義紹

興監國

按浙東南至浙東陷閩隨亡京第將起兵於家

擢御史爲大兵所捕脫身入翁洲就威虜侯黃斌卿時大兵定

江南吳中豪傑猶出沒太湖以翁洲爲外援故兵部尚

書陳子龍輩說松江提督吳勝兆歸南而以帛書乞翁

洲應之斌卿志在自守不欲往富平將軍張名振與京

第善京第勸之行至崇明颶風覆舟盡喪其軍京第等

馮侍郎叢書附錄 卷一

四一四明叢書

約圖刊本

皆就執中途得脫歸翁洲平夷侯周崔芝少時往來日

本與撒斯瑪王善日本三十六島各有王國王以大將

軍總制各島撒斯瑪於諸島中最強崔芝時以水軍都

督副斌卿守翁洲因撒斯瑪王乞師於大將軍許之斌

卿使其弟孝卿副京第往日本成約至長崎不聽登陸

京第於舟中朝服拜且哭凡十有餘日會國王遣人巡

境見之取京第血書以去

可餘土音注簾溪侍郎再乞師日本釜島而哭淚盡繼之

以血日本人見者

爲之徬徨不忍去撒斯瑪王聞長崎拒京第曰中國喪

亂我不能援而使其臣哭於吾境不亦恥乎言於大將

軍議發各島罪人以應京第先還

餘姚縣志朱之瑜與京第偕行至長崎許

已而事不行之瑜遂留留孝卿俟命長崎多官妓孝卿

日夕酣淫見輕於其國但致洪武鵝眼鏡錢數十萬報聘

洪武錢者日本於明初入貢所鑄後用本國年號鑄錢

遂封其錢於庫至是以充幣京第乞師不得責斌卿令

以奇兵西略寧紹台三府會鄞評事董志寧職方華夏

以帛書通侍御李長祥職方王翊而乞師翁洲京第大

喜強斌卿以師入先一日降紳謝三賓發其事城中有

備長祥翊志寧俱亡去夏等死之時太湖尚未靖京第

馮侍郎遺書附錄 卷一

五四明叢書 約園刊本

乃之湖州起兵武康天目山中擾歸安烏程諸縣屢敗

復歸募兵谿上與翊合軍守杜隩

全祖望撰張侍郎夢錫哀詞江上失守山

寨大起其時先後立替者曰馮家軍則簞溪京第

也曰王家軍則篤庵翊也○時夢錫與京第合軍大兵

以團練軍破之翊走天台戊子冬翊以天台之援至復

與京第合軍杜隩

南疆譯史翊以四百餘人入天台依威遠將軍俞國望京第匿民舍久

之翊謂部下曰官兵非團練為導則山形險惡未易窺

也乃由天台至四明擊散鄉眾之團練者兼旬中隨道

收合得萬餘人京第亦出己丑明年監國自閩中至健

春再破上虞走其知縣得其印

跳晉京第都察院右僉都御史是冬僧湛微自日本來言於蕩胡伯阮進曰得普陀山寺慈聖李太后所賜藏

聘日本師可得也進以告名振時名振以定西侯
當國乃合疏請召京第爲使以澄波將軍阮美副之國
王聞之大喜已知湛微偕來則怒初湛微在長崎狡
猶自尊大以其爲中國人也逐之日本法不殺中國僧
有犯則逐再犯則戮及同舟美欲殺湛微京第曰此中
原之不幸也乃放諸荒島載經還復與翊合師西山回
風洞中浙中拘京第家屬以招之不至將羈其家屬於
東京第母尹年高妻葉勸尹自裁毫不省葉夜半縊錄
其子頌京第仍不至尹徙燕道死得京第妾令作書招

馮侍郎遺書附錄

卷一

六

四月明發書
絢圖刊本

之妾不可京第日東望臨河泣必繼以血自是性頗厲
御下漸酷京第本儒者將略非所長又頗以門第自重
視山寨諸洞主蔑如也諸洞生有欲殺之者以京第忠
且一門受禍原之京第自喪母茹素不近媵妾與士卒
同甘苦日再餐惟一鹽所部有擅取人瓜壺者殺無赦
寒則解衣子卒自裹片絮忍冷得一粟必與卒共之故
所部憚其威亦懷其惠翁洲以山寨相犄角得偷安而
孤忠爲國王翊王江京第三人而已監國再加兵部侍郎
兼官如故屢挫大兵庚寅十一月十一日大兵扼大

蘭四出搗山寨京第已病信麾下王昇言移營仗錫病
入灌頂寺昇數月前已約降至是引大兵至十三日
械京第見金礪挺立不屈鞭箠雨下罵不絕田雄從旁

掠之仆地明日行刑大帥畏其罵銜以枚劊其心醢之

從者都督張元以下五十人亦屬不絕以死全祖望撰
鷓鴣先生

神道表先生入四明山道嚴參侍郎軍事奔走諸寨間
庚寅侍郎軍殲先生亦被縛侍郎之嫂先生妻母也匿
於其家又跡得之待死牢戶中

及行刑得脫詳見元臚傳注 有大將部下卒願得京

第一肩一臂食之許焉因負去葬之鄞城北袁鈞鄞北
雜詩注引

續普舊傳馮侍郎臂董給事志寧頭皆葬周公橋最
後陸宇燁葬王侍郎頭於兩冢間鄞人稱三忠之墓

馮侍郎遺書附錄卷一

七四明叢書

元河南人王昇竟以叛其主將不忠伏誅先是京第愛

簞溪山水之秀因以自署欲就隱卒以兵入山中亦天

定也全祖望
撰墓志京第教子有法頌聰敏酷肖與母葉並赴

獄大帥欲留之不可葉縊之次日與職方楊文瓚同死

於市蔣炯書馮貞婦事
引續甬上耆舊傳諸子沒人勳貴家鄞萬斯同贖

而歸之全祖望撰萬
貞文先生傳

遺事

日本乞師記

餘姚 黃宗羲 太沖

周雀芝號九玄福清之榕潭人也少讀書不成去而爲

盜於海其人饒機智儕輩皆聽其指揮嘗往來日本以善射名與撒斯瑪王結爲父子日本三十六島每島各有一王統之其所謂東京者乃國主也國主曰京王擁虛位而已一國之權則大將軍掌之其三十六國王則如諸侯之職撒斯瑪王

卽薩摩

於諸島爲最強與大將軍相

首尾崔芝旣熟日本故在海中無不如意私行至家爲有司迹捕繫獄三年賄吏得解乃變姓名爲盜如故久之招撫以黃華關把總稽察商船乙酉秋思文皇帝加水軍都督副黃斌卿駐舟山其冬崔芝遣人至撒斯瑪

馮侍郎遺書附錄卷一

八四明叢書

約閱刊本

訴中國喪亂願假一旅大將軍慨然許之約明年四月發兵三萬一切戰艦軍資器械自備其國之餘資足以供大兵中華數年之用自長崎島至東京三千餘里馳道橋梁驛遞公館重爲修葺以待中國使臣之至崔芝大喜益備珠璣玩好之物以悅之丙戌四月遣參謀林齋舞爲使期以十一日東行將解維而斌卿止之曰大司馬余煌書來曰此吳三桂乞師之續也崔芝怒而入閩福州旣破鄭芝龍劫眾議降安昌王恭梘尙書張肯堂侍郎朱永祐戚伯賀君堯武康將軍願乃德皆言

不可窪芝涕泣而謂芝龍曰雀芝海隅亡命耳無所輕重所惜明公二十年威望一朝墮地爲天下笑請得效死於前不忍見明公之有此舉動也抽刀欲自刎芝龍起而奪之後數日芝龍竟去丁亥三月雀芝克海口鎮東二城乃遣其義子林臯隨安昌王恭楨至日本乞師不得要領而還戊子御史馮京第謂斌卿曰北都之變東南如故并其東南而失之者是則借兵之害也今歲無可失之地比之前者爲不倫矣斌卿於是使其弟孝卿同京第往至長崎其王不聽登陸始有西洋人爲天

馮侍郎遺書附錄卷一

九十四明藏書
約圖刊本

主教者入日本日本佞佛而教人務排釋氏且作亂於其國日本遣兵盡誅教人生理於土中者無算驅其船於島口之陳家河焚之絕西洋人往來於五遠之衢置銅板刻天主像於其上令人踐踏之囊橐有西洋物卽一錢之微搜得必殺無赦當是時西洋人復仇大舶載礮而來與日本爲難日本講解始退退一日而京第至方戒嚴於外國京第卽於舟中朝服拜哭不已會東京遣官行部如中國巡方御史禿頂坐籃輿京第因致其血書撤斯瑪王聞長崎王之拒中國也曰中國喪亂我

不遑恤而使其使臣哭於我國我之恥也乃與大將軍言之議發各島罪人以應京第先還日本致洪武錢數十萬蓋其國不自鼓鑄但用中國古錢舟山之用洪武錢由此始孝卿假商船留長崎待命長崎多官坡皆居大宅無壁絡以綾幔分爲私室常月夜每室懸各色琉璃燈諸奴各賽琵琶中國之所未有孝卿忘其爲乞師而來者日夕酣淫見輕於其國其國出師之意遂荒矣己丑冬有僧湛微自日本來爲蕩胡伯阮進述請兵不允之故且言金帛不足以動之誠得普陀山慈聖李太

馮侍郎遺書附錄 卷一

十四 明 欽定 四庫全書 約圖 卷一

后所賜藏經爲贄則兵必發矣進與定西侯張名譽上疏監國以澄波將軍阮美爲使上親賜宴十一月朔出普陀十日至五島山與長崎相距一程是夜大風黑浪兼天兩紅魚乘空上下船不知所往十二日見山舟人驚曰此高麗界也轉帆而南又明日乃進長崎凡商舶至國例撥小舟譏出入名曰班船阮美喻以梵筴乞師其王聞之大喜已知船中有湛微者則大駭初湛微之在日本也長崎有三大寺一曰南京寺中國北僧居之一曰福州寺閩浙廣僧居之一曰日本寺本國僧人居

之南京寺住持名如定者頗通文墨國人重之湛微拜其位下湛微所不能若其師而狡獪多變乃之一島名牒泉者其島無中國人往來不辨詩字之好醜湛微因得妄自高大惡札村語自署金獅子尊者流傳至於東京大將軍見之曰此必西洋人之爲天主教者潛入吾國急捕之以其爲江西僧逐之過海日本不殺大唐僧有犯法者止於逐再往則戮及同舟湛微欲以此自結於日本阮美於是始知爲其所賣也遂載經而返然日本自寬永享國三十餘年母后承之其子復辟改元義

馮侍郎遺書附錄 卷一

十一

四明叢書
約圖刊本

明承平久矣故老不見兵革之事本國且忘武備豈能渡海爲人復仇乎卽無西洋之事亦未必能行也

史臣曰宋之亡也張世傑嘗遣使海外某國借兵陳宜中亦身至占城借兵崖山旣陷兩國之師同日至遂不戰而返今日之事何其與之相類耶忠臣義士窮思極計海水不足較其淺深徒以利害相權如余燁者眞書生之見也

四明山叢記

餘姚

黃宗鑑

太沖

四明山在漢晉以前通謂之天台其後分裂天台以爲

四明蓋周圍八百里連山疊嶂谿險之極唐咸通元年
裘甫之裨將劉從簡率壯士五百奔至大蘭山據險自
守諸將共攻破之大蘭山卽四明之山心也則四明之
爲山寨也舊矣丙戌六月浙東師潰某時率師渡海規
取海鹽海寧二城報至而還十日遣散餘眾願從者歸
安茅瀚字飛梅溪汪涵字叔度二帥以五百人入四明屯
於杖錫某意結寨固守徐爲航海之計因戒二帥聯絡
山民方可從事二帥違某節制取糧近地二十日某令
二帥守寨出行旁舍山民相約數千乘二帥不備夜半

馮侍郎遺書附錄

卷一

十二四明叢書

約圖刊本

焚杖錫寺士卒睡中逃出盡爲擊死二帥被焚丁亥餘
姚人王翊王江聚兵於沿海爲黃斌卿內應斌卿攻寧
波不克而去翊遂入四明山中戊子三月破上虞殺攝
印官浙東震動建虜舍兩郡之師由清賢嶺入義師屯
丁山以待之待久而弛按甲空參虜師驟馳之義師狼
狽失措一時爲所屠者四百人有孫說者聞丁山敗救
之中流矢死直立不仆御史馮京第自湖州軍破亦聞
行至四明與王翊合軍杜嚳守關馮牙軍容甚整虜撫
勒兵東渡下教鄉聚團練攻杜嚳破之其別部邵不倫

亦見獲京第置民舍翊以四百人走天台依定遠將軍
俞國望翊謂諸將曰是皆團練之罪也虜兵雖健我視
其銳則避之懈則擊之非團練爲之向導彼敢行險地
如枕席乎然虜兵團練豈能相守吾卒雖殘其破團練
尙有餘力乃自天台至四明擊破鄉聚之團練者隨道
收兵一月至萬餘人而京第亦出己丑春又被上虞走
其知縣得縣印當是時浙東山寨蕭山則石仲芳會稽
則王化龍陳天樞台州則俞國望金湯奉化則吳奎明
袁應彪皆據掠暴橫而平岡張煌言上虞李長祥又單

馮侍郎遺書附錄

卷一

十三四明散書

約園刊本

弱不能成軍惟王翊一旅蔓延於四明八百里之內設
爲五營五內司王江則專主餉勸分富室單門而下安
堵如故履畝而稅人無不樂輸者平時不義之徒立置
重典異時巡方訪惡徒爲故事翊所決罰人人稱快浙
東列城爲之晝閉胥吏不敢催租縛民惴惴以保守一
城爲幸皆薦誠講解翊計天下不能無事待之數年庶
幾爲中原之應也自上虞出東徇奉化虜師方攻吳奎
明奎明力不支而遁虜師追奔至河泊所翊猝遇之而
戰虜師大敗六月上駐驛健跳所分使使山寨拜官授

翊河南道御史王江戶部主事左副都御史某上言諸營文則自稱都御史侍郎武則自稱將軍都督未有三品下者主上嘉其慕義亦遂因而命之惟王翊不自張大僅授御史御史在承平時固爲顯要而非所論於今日諸營小或不及百人大亦不過王翊一部今品級懸殊以之相臨恐爲未便大學士劉沂春禮部尙書吳鍾巒皆以爲然定西侯張名振持之不肯下初諸營迎表皆因名振以達獨翊不關名振名振不樂曰侯王翊之來吾爲上言之也翊朝行在覩其軍容陞右僉都御史

馮侍郎遺書附錄

卷一

十四 四明叢書

約園刊本

翊曰吾豈受定西侯鈴鍵哉山海久不寧有爲建虜謀者曰此皆失職之徒所致苟招撫而官之鮮有不願解甲者矣會稽嚴我公知之僞爲告身銀印曰請自隗始遂畀以都御史招撫山海湖州柏囊甫會稽顧虎臣皆降我公將渡海發使者入四明山中翊之前營黃中道曰嚴我公動搖山海寧可使之遠行在哉烹其使分羹各營敢受招撫者視此我公踰躄遁庚寅三月翊朝行在陞兵部左侍郎八月破新昌拔許山九月虜師將攻舟山惡翊中梗金帥由奉化入田帥由餘姚入會帥大

蘭山帳房三十里遊騎四出以搜伏聽者翊避之於海
馮京第以病不能行匿鶴頂山爲其降將所致害於寧
城辛卯七月翊還山中所留諸將降殺且盡二十四日
大星墜地野雉皆鳴爲團練兵執於北溪過奉化賦絕
命詩入見海道海道請觀絕命詩授筆於翊其詩結句
云平生忠憤血飛濺於羣虜書畢擲筆以搥海道面徑
出虜帥將會定海繫翊以待每日從容束幘掠鬢修容
謂建虜曰使汝曹見此漢官威儀也八月十三日虜帥
畢集陳督訊之翊坐地上曰毋多言成敗利鈍天也汝
又何知劉帥注矢射之中肩田帥中頰金帥中脅翊不
稍動如貫植木絕其吭始仆從翊者二人亦不跪掠之
則跪而向翊羣虜見之皆爲泣下曰非獨王公忠乃其
從者亦義士也王江之母爲金帥所得以招江江削髮
爲僧見金帥於杭問訊而已安置省城母以天年終江
買一妾其妻日夜勃谿鄰居無不厭之江憐妾而黜遣
其妻妻攘袂數江登車而去聞者莫不薄其爲人一日
江出鄰人以其妾在不疑旣而不返始知向者以術脫
其妻也江旣得逸遂與張名振引師入長江登金山遙

祭孝陵題詩痛哭丙申江復與沈調倫燬眾四明山聲
勢浸衰調倫見獲被害江亦病創而卒自此十有九年
山中無事甲寅冬復嘯聚半載而平然皆偷驢摸犢之
賊徒爲民害其父殺人報仇其子行劫寢失其傳矣
史臣曰四明山本非進取之地某始之欲寨焉者亦如
田橫與其徒屬五百餘人入海居島中之意不意後遂
踵其陳跡割裂洞天雖然王翊之死於田橫何遜焉

浮光杯記

鄞周容茂三

翁帥黃斌卿有浮光杯莫考所從來蓋也高幾二寸面

馮侍郎遺書附錄

卷二

十六四明叢書

約園刊本

餘一規唇傷半米缺矣而每一注酒則珠光上浮朝紅
夜白如沐日浴月焉乙酉夏余曾捧杯敬酌者三戊子
春黃帥使人之徐市島爲楚申胥以杯費島主人卻之
雖同袍不賦而餉遺優渥不啻百牢且輸洪武錢千萬
以返求幾翁亂黃兵死此杯遂不知何真矣嗚呼發出
於窯無情物也亦安所感受而熠燁如此豈其得日月
之精華厚歟夫宇宙內人物草木何一不受恩日月者
而獨此杯也耶或者晦冥昏濁之運徧於人心特留此
燭火餘明於一器乎用費之意亦示以一器云微不忘

兩曜可卜金鏡未必終虧銀灣未必終蝕也吾特恐翁
亂後或爲愚夫悍卒所得驚其光怪翻疑爲不祥而按
劍者有之然神物之成必有所爲應有山川星斗遙相
呵護故去而復返杯之靈也不欲以中原之祥瑞夷爲
屬國之玩具也異日當出用於世余將設衢樽徧邀世
人而酌之使飲光含輝庶幾曉其晦冥滌其昏濁以還
於化日霽天則此杯也者殆猶銀甕出而榮光見矣因
爲之記至於島主人卻杯厚餉遺不可謂島中無禮若
洪武錢所繇則商於彼者爲予言昔洪武間以錢賜貢
使無所用於其國故貯至今日而來歸凡此皆事之可
記者也

馮侍郎遺書附錄卷二

九世族孫貞羣編

酬贈詩

用韻寄懷馮躋仲兼呈留偃津撫

山陰

劉宗周 起東

平生惜知己不如君知臣知臣鑑臣素世人何賓賓避
近逢吾子肝膽濯修筠遺我去國篇猶然謀致身齷齪
羞當世援我鄒魯淳迂闊遠事情所至多參辰但恨學
古疏敢云磨不磷東髮際清朝廢歌良可因漸依日月

馮侍郎遺書附錄 卷一

一四明叢書

約園刊本

光自謂攀龍鱗持祿既兩月慷慨氣未伸此司諫職
豺狸盈簪紳帝曰汝辜哉虛子召蒲輪老臣泣隕首士
爲知己徇臣死不足惜滿目傷荆榛失路日已久倏爾
裘葛新回首天尺五仍復留河津感茲舊游地棲棲如
蔡陳胡騎方狐狡漢兵多鼠馴烽煙斷南北積骸枕水
濱桓桓馮開府忠義冠人倫提兵疾風雨往來畿輔頻
勞苦不言功謗書傾高旻亦有馮仲子介馬撲胡塵在
昔淝水捷內舉不避親賦詩可卻敵請纓豈猶人青山
尙無恙還我折角巾披髮欲何往蹈海空自淪舉世皇

皇者爲此七尺珍，慟矣摧天柱。長嘯斥地垠，終當攜手

去。封侯未可遂。

劉子全書

貞羣案詩中所云去國篇今失去

步劉念臺先生韻贈馮躋仲

鄧董德傳平子

大節昭星日，責惟子與臣。在家傳令子，在國誦嘉賓。勁
中松柏心，飭外竹箭筠。毋欺不負學，自分竭乃身。慨茲
藝林輩，舌銛心弗淳。升斗皆君祿，報國何參辰。膽赤刃
可破，玉堅磨豈磷。事君猶事父，牛角已書紳。腥塵徧江
北，半載道絕輪。渡河抵濟上，瀾野徒荆榛。卸鞍訪風識

馮侍郎遺書附錄卷二

二四明叢書約園刊本

從膝誅酸辛，膚功懷吉甫。蔽芾滿河津，退師樽俎上。雄
憤爲我陳，不料京畿外。屯營尙沸塵，桓桓馮夫子。士卒
甘苦勤，三戰熊羆勝。盡由籌幄人，從此搗巢穴。饒吹壯
綸巾，仰止高山近。斯文幸未淪，欲圖國士遇。侈言席上
珍，愛物天垂憫。除殘地裂垠，聞雞輒起舞。擊楫敢逡巡，
續甬上香書詩

馮躋仲京第寓戶部園郭孟白萬程招同涂石丈

世琳移尊亭上

貴池吳應箕次尾

南國司農也有園，一枝遙借帝城偏。鳴鏢並立花邊馬

好事能移沼上筵，豈有星光臨雅集。難言龍臥淨烽煙。

明時不用歌燕市，慷慨觴飛雨後泉。樓山堂集

花枝詞爲馮躋仲納姬作

貴池

吳應箕次尾

窈窕花枝醉後持，絳紗紅蠟已低迷。已知賦筆能千象。

誓屈西軒試小眉

遠山黛色有還無，似與輕煙寫一圖。馮郎不會猶憐意。

肯便輕舟去五湖。樓山堂集

憶舊事

餘姚

黃宗羲太沖

十二年來入舊京，當筵屢見共知名。燒殘一紙風波惡。

馮侍郎遺書附錄

卷一

二

四明叢書

寧使人疑是有情。吳次尾馮躋仲陶英人事○南雷詩曆

約園刊本

紅葉本事詩七首之一

餘姚

黃宗羲太沖

小窗風味絕塵囂，未畫幽蘭香在毫。一紙風波投絳燭。

只因曾與共登高。陶英人座上吳次尾馮躋仲出一紙欲拘顧媚余引燭燒之○南雷詩曆

送黃金吾馮侍郎乞師日本

鄞

張煌言玄著

中原何地足依牆，惆悵徵師日出方。龍節臥持多斧客。

魚書泣捧豹衣郎。黃河北去浮青雀，滄海東迴獻白狼。

佇聽無衣萬里外，繡弧應復挂扶桑。奇零

日本乞師使者返棹四首

鄞

全吾騏北空

海外賦無衣飄零亦可悲卻聞高廟幣尙重夏州夷事

山城杳心懸營井癡悲風何瑟瑟落日黯長崎日本

平亂時武錢數十萬助
軍於海上諸營皆用之

鑾輿鎮三車九蓮重白華遺臣仗佛力玉軸上星樣計

以無聊拙人從萬死賒到頭終不濟帝釋亦咨嗟時以
慈聖

太古斯賜補陀藏經
爲能然終不得師

一穴膏肓病都緣咕嗶儒科名成黨部帖括豈兵書不

道餘波遠還求雁塔儲從今非進士未許任包胥時以
使臣

無甲第出身
者故不出師

馮侍郎遺書附錄 卷二

四四明叢書

約園刊本

落照實堪哀浮光賸有杯誰人撲爝火重與振昏籠漫

道扶桑盛寧知牝唱衰空餘萬斛血爲逐海潮回日本
以女

后臨朝而衰卽寬永之妻也浮光杯詳
見吾友周容所爲記○續甬上耆舊詩

庚寅十一月十四日哭馮躋仲社兄十首有序

鄧董守諭 次公

躋仲死於市國人憐之者半予二十年好友畏

吏不能枕其尸設位哭之於家嗟乎吾子事畢

矣亦復何恨所恨者諭徒能哭于耳

君亦了吾事子將悲後生鱗枯肆狙爪翻鍛侮梟晴白

足爭今古何當論敗成錦金范誼士誰敢誚虛名

昔聞子山棲臂血點點丹泣與干猿續身將一葉隼飢

餐應衰飯衣削絮澌寒雖死心猶苦明山石自酸

尚羞天下事不死丈夫心有膝還如鐵吾頭已付碓錘

鉗苦君父冰雪老胸襟矯矯猶龍性哀哀無鹿音

慈顏破九泉果不負訣言誓廟還元氣臨河礪血痕躄

著齊廟文以母故日臨河泣血二馮高品目六子其忠魂華王屠董二楊痛下

西山淚悲歌北斗昏

夫子命云瘁彼天不可稽從行無架閣樹觸少鉏麕以

馮侍郎遺書附錄 卷二

五 匪明坡書

約圖刊本

此胃罟網能無悔噬臍人謀失舟楫一水黑雲迷

賦物皆如讖篋溪寫我憂君傳蘭正統世識鞠春秋鹿

易仍存宋柴桑不系劉著書關氣節草木砥中流躄仲

管侯子著蘭易鞠小正託言宋之鹿易晉之陶潛其後卒蒙難溪上

擬漢萬言策揮毫華岳凌軼唐三山吟排墨雲霞蒸檄

自竄王刻書同賈佛矜空餘著作手淚盡讀書燈己耶躄仲

有三山吟戊寅著讀書燈

溪上多君子傷心獨我徒君才原跌宕劉晉自廉唱前

死遭纜鼠今亡痛哺烏兩賢欣有託餘耳是庸奴劉躄當小

字曰晉瑞當原
於訟而憤死

恩忠是吾節欲殺奈君何報國雕蟲誤謀身碩鼠多生
之無氣節辱甚亦么麼金石豈不堅芝蘭香風過

烈烈婦氏葉錚錚頌作孤心寒百口盡天喪一門扶名

憤麒麟舞才窮鵬鳥呼無能枕尸哭深夜醜屠蘇續百
上音

詩舊

和不了道人哭簞溪子八首

鄞董德侑平子

惜死非無故六年瞬息生世心原異面天目未描真盡
是衣冠種獨爲君子成寧同文信國異代拜嘉名

馮侍郎遺書附錄

卷一

六國明蒙書

約圖刊本

壯髮留還白傷心苦臘丹投醪懷百旅灑淚誓三單遠
路貽親瘁高山逼帝寒可憐柴市北孤谷晚風酸

楚漢猶難判偉哉陵母言可誇心共盡誰與劍同痕燕

水應埋骨明山自斂魂夜來天際望斗極未全昏

名全身匪昨世事竟難稽不願身爲鶴寧求人放鹿空

餘顏守舌競惜鄧侯臍山鬼時相喚追蹤烈士迷

多才世欲殺自昔爲君憂骨傲爭霜月風高託素秋不

教天祚宋空使世知劉第恐矜爲善芳名只獨流

傳說中原事山光水色凌同舟還搏擊有意說歛燕夫

子千年淚壬人一旦矜大星中夜墜何處亂漁燈

在昔持牛耳誰爲賣國徒息存留好友軀在託偏隅一
自凋如葉皆成遁若鳥人心刺盜賊何必罵傭奴

日月自不熄身名豈遂孤寸心列祖降一室五倫扶已
證仙城迴還驚厲鬼呼故山雨露在何日問昭蘇

續甫
上着

舊詩

貞羣案天鑑先生和不了道人詩謝山采其八
章入耆舊集尙缺二章末由訪求

哭璋溪子和次公韻十首

鄭李文纘 昭武

馮侍郎遺書附錄 卷二

七四明叢書
刻園刊本

日月甲申後賢人悔吝生天乎授馬腹識者憎鷹睛隻
手將安辦連飛總莫成有身寧齒劍祇爲惜空名

縱云疏劍術奚忍負燕丹風櫛完絲縷雲餐隻影單虎
韜應讀慣勞面亦驚寒一沒有餘喜旁人強佐酸

昔讀帝城嘯從知烈士心革羈馳萬里顛骨飽千礎大
義眞擎日兒曹各捫襟斯文今併喪誰續谷中音

走筆追三策垂書擬萬言匡時原不腐墮甑已摧痕落
落冠裳侶哀哀義烈魂名山留國史忍聽世途昏

卻悔從頭誤惟知其古稽講帷尊白鹿託國訪蒼麇戰

伐爭雞距膾腴割蟹膾紛紜縱無定吾道豈當迷
談兵怒一擊劍骨寫千憂未殄慕容部仍災大有秋生
何愁報漢死豈失依劉寸碧寒溪水那曾向北流
文章冠海內百尺未云凌風雨蝸郊集煙霞屢聞蒸君
才爭欲殺鬼物故堪矜吾自了吾事孤懸暗室燈
獨於人世裏高揖古之徒李密羞亡命賈丞悲喪隅歐
刀看雅雅碧血叫烏烏門戶安庸計遺編付段奴
閨門皆就死君死復如何野客吞聲細秋原哭楚步皇
天應鑑未鼠輩尙存麼一酌寒山血孤空子夜過

馮侍郎遺詩附錄 卷二

八十四明談書

約園刊本

與子甘霜溼金陵氣韻孤綺冠一日繁汐社百年扶黃
口遺兒泣酸風野木呼莫談當世事兀坐仰屠蘇續南
上音

詩
舊

貞羣案鮫埼亭集朱金芝忍辱道人些詞云哭
馮詩輓輩溪侍郎作也今檢不可得附記於此

哭簞溪

有序

萬泰履安

簞溪之死逾年矣驚魂未定哭之無聲今當其
死日書此一慟

吁嗟乎當年君卜簞溪居今日君從簞溪死一山突兀

立乾坤磨削英雄竟如此廿載從君筆硯游高文老學
非凡儔一目萬古空章句生平事業期封侯自昔中原
被兵燹書生戛戛懷同仇直北陰山曾立馬塵高十丈
汗兜鍪恨不長驅絕大漠歸去狂號百六秋封狐羿蝮
鬩白日麟鳳離披化螻蝻浙師不振閩帝殂萬里孤航
陵險出國書紙上血光殷痛哭一聲海水立嗚呼此事
已千古成敗偶然何足數兒年十四早斷頭烈婦之屍
蟲出戶八十老人空倚闔欣然畢命辭漢土白日罌罌
沈陽光山鬼啾啾啼夜雨枕戈飲血空谷中大聲呼天

馮侍郎遺書附錄

卷一

九四明叢書

約園刊本

天夢夢雲雷晦昧星辰徙三戰三北非人工淚盡血枯
病懨懨一死遂成胡兒功吁嗟中原冠帶紛如雲已將
心膂託新君揚眉結義豺狼羣書生斬殺何足云正氣
猶存此名士生不封侯死於市雞林賈客購文章龍伯
國人傳姓氏英雄生死史所書焉能垢面蒙頭狎蟲豸
簞溪簞溪雲荒荒一草一木忠魂藏申胥已死趙苞亡
其光爲口氣爲霜千秋萬歲殊未央

寒松齋詩集

哭馮躋仲

華亭

徐孚遠

聞公

君家十朱輪一時競騫翥君方好雅游俊才足馳騫武

皇開總章披圖選民舉廷對敷治安逸才遂當御造膝
必曰俞屢觀溫室樹握節監度遠乘槎冒煙霧鞋服方
臨戎鑿輿已移駐單車揖上將胸懷那得吐惆悵滄江
雲寂寞使者耆壯志鬱嗟我讜言大相忤揮手謝主人
西陵從此度號召里中豪空山麾白羽非無平林兵天
顧尙猶豫遂使凌風姿慘淡枋榆卜昔余游金陵攜手
長干市泊來旅昌國驚喜話情慄擺脫君如鷹廓落我
如瓠剛折柔乃存生死兩回互掩袂悲若人何時薦椒

絮鈞瓊堂存稿

馮侍郎遺書附錄卷二

十四明叢書

約園刊本

輓馮躋仲侍郎

鄧張煌言玄茗

一夜烽燧五丈原文星早共將星昏埋肝尙擬扶宗社
灑血何辭濺廟門同穴先悲梁上燕覆巢暗泣峽中猿
只今大樹還零落異域誰招馮母魂躋仲妻縊子戮母被没入故云○句

草

哭馮躋仲詩四首有序

鄧高字泰元發

予讀躋仲三山吟多請纓仗劍之言躋仲嘗於
山東亂餘出已資開荒數十頃將因此漸廣爲
後日屯兵之用遇國難乃已後此之事乃其緒

餘至乞師日本蓋其計無復之者也志亦壯哉

枕戈戮力異時身疇昔狂吟種夙因片語根苗長不斷

此身還作再來人

首句卽三山吟中句

三百年來養士名乞師海外一書生迄今潮漲山城國

猶作申胥痛哭聲

君家司馬早知幾去國全身亦掩泥幕下當年餘恨在

啼鵲應向白楊西

謂尙書

擒王射馬久論文二十登壇世所尊莫道神龍竟見尾

亢龍厲尾亦殊羣

續甬上者舊詩

馮侍郎遺書附錄卷二

十一四明叢書

物園刊本

三月十四夜夢萬履安及亡友陸文虎馮濟仲

餘姚黃宗羲

太沖

月落楓林飛鬼車音容忽見是非耶簞溪有骨隨流水

環堵無人泣稗花剛得寒松留歲暮又驅飢火逐天涯

存亡此夜來相聚病榻蕭然兩鬢華

簞溪濟仲尸拋江上環堵文虎一妾

已死寒松履安則在嶺南

南雷詩曆

榕堂漫識八首之一

慈谿馮愷愈

道濟

簞溪卻守小灰溪絕壁攀藤夜拔旗負卻黃冠多少恨

不知南八是男兒

榕堂詩鈔

甬上擬薤露詞

鄞全祖望 紹衣

浮光杯寶溪侍郎再乞師日本望島而哭淚盡繼之以血日本入見者為之憐得不忍

去詳見日本乞師本末浮光杯者當日乞師之幣也

厓山陳丞相乞師占城君乞師不可得野死蕩游魂哀

哉鄭思肖猶望占城雲更聞張樞使別自致援軍失期

僅一日瓣香遂以淪堂堂神州地乃乞外藩存落日陪

窮海海鷗亦聲吞志士為國家不以成否分成即為包

胥否則更何論不見東倭使鶴立東倭門倚牆晝夜哭

海水與血渾猶道浮光杯二曜終不昏句餘

馮侍郎遺書附錄 卷一 十二國明鼓書 約園刊本

擬明末溪上十三忠樂府和從伯炯作有序

錢塘蔣坦 藹卿

兵部侍郎馮公諱京第字躋仲津撫元颺之從

子也初從津撫有牆子嶺功思陵錄而未用南

都亡入閩授監察御史閩亡乃以浮光杯為幣

乞師日本不出歸湖州天目山擾烏程歸安間

尋與王烈愍合軍守杜壩再乞師日本卒不得

要領而還軍回風洞會母尹北徙妻葉自縊死

子被戮公仰天良久拔劍斫案而起再加兵部

侍郎庚寅大兵取翁洲先洗山寨以重兵扼大
蘭公麾下王昇約降執公於灌頂寺械見軍門
支解之人竊得公臂葬馬公橋與王烈愍同墓
焉

妻死矣子死矣吳鉤一聲斫案起妻既死子既死身不
殺賊更何俟天目山前鼓不止霹靂驚天血流矢是何
師哉虎貔士能使侍郎敗如此馮侍郎居翁洲之上
杜壘之隈躡險阻金塘崔嵬亦足樹營柵利刀戟與
東西王合軍出胡爲一戰再戰志不決乃向日本乞師

馮侍郎遺書附錄

卷一

十三

四明叢書

約園刊本

而求哀乞師之幣浮光杯乞師不出杯載回一杯豈爲
彼國重侍郎侍郎拙哉馮侍郎爾計亦太苦爾計雖
苦事何補爾不思日本去此幾千里彼所強者侍礮耳
受盟未雪城下恥安能出礮使助爾況聞西洋之人厚
貌多異謀盤飧猶且生戈矛不見烹廟全盛日倭寇歲
擾東南州幸哉不出師一朝師入肆流毒乞師之咎誰
任之馮侍郎爾事無補志可矜殘山一角爾力撐昔戰
牆子嶺爾勇人競稱曷爲湖州一敗爾師無還兵零丁
乃作海上行妖言空復聽愚僧其時沈王盡已矣一死

刀劍一海溟四明口旅苦戰爭旌旗絡繹刀槍鳴甘露
寺前竟口絕恨無匕首誅王昇頭可斷不可撓心可臨
不可搖青天在上白日高怒氣夜作蛟門濤上天下地
臂一隻年年鬼哭城南橋城南橋頭滿楊柳南渡君臣
共衰朽同時死者五十人不如一臂侍郎有

息影庵稿

五哀詩

鄧董守諭次公

馮司馬妻葉氏

葉聞有司將繫之夜半起告姑曰事急矣惟死可以不辱姑老

又念身弱欲令緩之葉曰婦無不可聽訓於姑獨此不可命也即投閣不死卒自縊達旦而操

之者至矣暴尸七日盛夏其容如故

馮侍郎遺書附錄

卷二

十四 四明叢書

約園刊本

立身失蚤智屈辱悲何言老嫗猶不免何惜閨中媛故
知夫人心急策驅驚轅胡弁忍如狼比鄰森維樊老幼
相羈縲狀若几上豚夫人前長跪致詞痛且溫豈不戀
君姑豈不悲饗殮歧路失所斷辱至不及奔良訓有經
權焉得顧慈恩決絕投危梯搯吭聲猶吞死目尙未瞑
逮者已在門蚊蠅惜香骨七日聞芳蕓吾獨恨馮子班
馬相弟昆但嫩能文耳機略非所論當途競延賄黃金
愜暮昏遠戍可兵劫伏甲爽煙屯坐失幾微聞降天恨
勿設衰門幸有婦聊亦慰忠魂

續甬上著舊詩

甬上擬薤露詞

鄞全祖望 紉衣

相公裾

馮侍郎葉夫人殉最烈而其二妾更奇大帥逼令作書招侍郎二妾曰頭可斷

書不可作即作亦無用也

妾家夫人烈何如斷妾頭不能強妾書強妾書不能挽

我相公裾公其休矣置妾書

何餘土音

酬贈文

與馮躋仲

新建 陳宏緒 土業

當世名流卓然足自表見者屈指不過二十輩其餘率多樊英殷浩聞其姓氏或亦赫然與之狎處往往使人

馮侍郎遺書附錄 卷一

十五 國明鏡 書

約園刊本

自咎其傾注之過

周亮工尺牘新鈔

馮侍郎遺書附錄卷二

馮侍郎遺書附錄卷三

九世族孫貞羣編

簞溪府君著作存佚考

繫辭前傳 三山吟注 慈谿縣志著錄

佚

三山吟 夜招劉長公談易詩云擬爲繫前傳聊

以擊蒙頌傳經念不易猶自封破函原注余所著

繫辭前傳未行世

評隲史漢 三山吟後序

佚

柴夢楫三山吟後序曰公年二十五從其從父留

馮侍郎遺書附錄 卷三

四明叢書 約園刊本

僊先生備兵南都都人士請爲選函雅兵餘二房

墨家絃誦也又刻其所評隲史漢二書

晉書補 天益山堂刻孫批史記序

佚

唐書草本 天益山堂刻孫批史記序

佚

馮元仲崇禎丙子刻孫月峯批評史記序曰余族

子躋仲年少老於吏學於諸史都有論著其修晉

書補唐書草本已是可觀而史注瑩疑則史漢先

已成書抉瑕指謬悉通諸家之幽滯此班馬不可

一日無此知己也以無資未得便附此本行因復

志於此

浮海記一卷

續甬上耆舊詩三藩紀事本末

南疆經史小腆紀年

南天痕明季紀

車勞敬移鈔本見增訂叢書舉要 慈谿縣志著錄

未見

續甬上耆舊詩

全祖望馮侍郎墓碑曰公所著

浮海記一卷其自敘乞師之事也

中興十二論

續甬上耆舊詩外集 慈谿縣志著錄

鮑琦亭

未見

續甬上耆舊詩

全祖望馮侍郎墓碑曰閩人奉

唐王稱制公上中興恢復十二論

鮑琦亭外集

全祖望馮侍郎遺書序曰中興十

馮侍郎遺書附錄 卷三

一四 四明叢書 約圖刊本

二論尙有存者而求之未得

蘭易一卷

經義考作鹿亭翁天根易子部譜錄類存目

浙江圖書館目錄別

下齋鈔校本 慈谿縣志著錄 作二卷

鮑琦亭外集 存

蘭易十二翼一卷

經義考外集台上爲二卷

清四庫存目 鮑琦亭 浙江圖書館

目錄 慈谿縣志著錄

存

蘭史一卷

清四庫存目 浙江圖書館目錄合上三種爲一

慈谿縣志 存

冊有葍谿衍氏不暇慎齋珍藏一印

清四庫存目

浙江巡撫 採進本

是書上卷爲蘭易一名

天根易題宋鹿亭翁撰朱彝尊經義考載其自序

云蘭易始於復故曰天根又載馮京序云蘭易一卷受之四明山中田父書端稱鹿亭翁著按郡縣志山有鹿亭今迷不知處無問作者姓氏矣要是宋代隱者云云此本已無自序蓋傳寫佚之其書以復臨泰大壯夬乾姤遯否觀剝坤十二月卦爲蘭消長之機每卦各綴以詞其文如彖下又各繫以詞其文如象傳備述出納栽培之法蓋戲仿周易爲蘭譜耳又附口訣二條蘭月令十二章不知誰作下卷爲蘭易十二翼述養蘭宜忌十二條題

馮待耶書附錄

卷三

三四明
約圖則本

曰篋溪子考經義考載馮京序此本題曰篋溪子則篋溪子卽京也其序稱鹿亭翁爲宋代隱者則非宋之馮京當別一人而同姓名矣末爲蘭史一卷亦題篋溪子撰首列蘭表依漢書古今人表例分列九等而下中下二等闕而不錄次爲蘭本紀所列凡三種次爲蘭世家所列凡十一種次爲蘭列傳所列凡二十種次爲蘭外紀所列凡九種次爲蘭外傳所列凡五種蓋鹿亭翁戲擬經京既戲擬傳又戲擬史也其蘭易爲詞人狡獪之作與

易義本無所涉朱彝尊列之擬經門中殊乖體例
今並改列之譜錄庶存其真焉 慈谿徵文錄曰
是書爲馮躋仲侍郎京第所撰京第號篔簹溪四明
談助謂篔簹溪卽今之皎口全謝山句餘土音篔簹
簹詩註慈水馮侍郎愛此溪欲投老焉而不克又
馮侍郎遺書序詳載此書并鞠小正一書其曰鹿
亭翁曰陶潛者皆其所託名也經義考中亦曰四
明馮京第序提要中脫去第字蓋傳寫之訛也

鞠小正一卷

續甬上耆舊詩

經義考作陶氏潛鞠
小正僞本 鮑琦亭外集 慈谿志

馮侍郎遺書附錄 卷三

四明 約圖

著錄

未見

續甬上耆舊詩 董守諭哭馮躋仲社兒詩曰賦
物皆如識篔簹溪寫我憂君傳蘭正統世識鞠春秋
鹿易仍存宋柴桑不系劉著書關氣節草木砥中
流

經義考 朱彝尊曰鞠小正一卷四明馮京第躋
仲得之淮陰市託名陶淵明所作其書以秋九月
爲正月序曰秋九月者鞠之乘時行令也故建以
爲正謂之履端其終以秋八月始乎榮辛乎將發

終則有始華之久與天地四時爲無窮也又有注
論種植之法頗詳殆卽躋仲游戲之作爾

鮪埼亭外集 全祖望馮侍郎遺書序曰鞠小正
託言陶公所著謂陶公以秋九月爲正卽不奉宋
正之微旨黃者魏統之色也晉所受代子滅則思
母故宋運當用魏德勝之抑鞠之爲言窮也華事
至此而窮則其言更誕而無徵

簞溪自課一卷

王陣檀几叢書二集 鮪埼亭外集 慈谿縣志善錄

存

鮪埼亭外集 全祖望馮侍郎遺書序曰自課一

馮侍郎遺書附錄 卷三

五四明叢書

約園刊本

卷國難前所定讀書之程也

讀書燈一卷

王陣檀几叢書二集 續甬上耆舊詩 慈谿縣志善錄

存

續甬上耆舊詩 董守諭哭馮躋仲詩注戊寅著

讀書燈

案戊寅爲助毅宗崇禎十一年

眞至會約一卷

鮪埼亭外集 續甬上耆舊詩 慈谿縣志善錄

未見

鮪埼亭外集 全祖望馮侍郎遺書序曰眞至會

約一卷則其諸父都御史

案諱元履

所爲而侍郎定其

約者也附以上吳尙書

案諱鍾巒號費舟

箋則己丑所作

也先贈公

案諱吾騏

題其下曰此其晚年手定之藁及

覆審別本果稍異焉

續甬上耆舊詩 全祖望馮侍郎墓碑曰公未丁國難時嘗與諸父都御史居里中作真至會以爲溪上飲饌之盛窮海極陸食案恆至五易每易以百品遂有羊固之癖閭巷浸淫相效乃斟酌損益裁乎其中立爲程度而以真至名之谿上燕饗之禮爲之一變

帝城嘯

續甬上耆舊詩

未見

續甬上耆舊詩 全祖望曰公所作有帝城嘯在

馮侍郎遺書附錄 卷三

六 四明叢書

約園刊本

甲中以前

三山吟一卷

續甬上耆舊詩 四明志微 慈谿縣志著錄

存

續甬上耆舊詩 董守諭哭馮躋仲詩注己卯案

崇禎十二年 躋仲有三山吟 劉城三山吟序曰三山

吟爲秋試被放徜徉京口時作躋仲筇珍帆矜慎不肯示人臘盡余過之南都探囊見詩因強其付

梓以便徧授

案映紅樓王氏藏斷齋吟屋寫本三山吟卷下有己卯冬月四字又其

目末有遊焦山遊金山二行皆注未刻據此三山吟曾於明崇禎間刻布行世

皞溪集

續甬上耆舊詩 鮑琦亭外集

殘

續甬上耆舊詩 全祖望馮侍郎墓碑曰簞溪集

散佚不完案謝山馮侍郎遺書序曰簞溪集已不傳而其續甬上耆舊詩馮侍郎卷注云

章溪集選蓋後訪得者 又案董守諭哭馮躋仲詩注躋仲著誓廟文而今亦不傳

都凡十有六種存六種殘一種佚四種未見五種世

有藏公遺書者幸乞見示當續補焉民國二十年三

月馮貞羣謹記

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本